



雲南通志卷之十六

羈縻志第十一

其目六

羈縻差發

貢象道路

分制吐蕃

隸夷風俗

蠻蠻風俗

滇國始末

白國始末

南詔始末

史傳摘語

漢唐西南郡縣止於黑水之內而黑水之外其地輪廣萬里君長以百數不相統攝

國朝編置宣慰宣撫長官安撫等司正其疆界明其爵級于今二百年來酋長安其位夷民保其生儼

然唐虞三代萬國朝王之氣象海隅蒼生何其幸

羈縻志第十一 今雲南通志卷十六

歎元儒李京景山傳夷方風俗之陋以今觀之絕不相類乃知秉彝恆性無間華夷顧王化遠邇何如也故作羈縻志而以其風俗之大槩傳之以見

國家四履之盛云

羈縻差發

車里宣慰使司

額徵金伍拾兩

木邦靖安宣慰使司

木邦軍民宣慰使司

額徵銀壹千肆百兩

孟養宣慰使司

額徵銀柒百伍拾兩

緬甸宣慰使司

八百大甸宣慰使司

老撾宣慰使司

猛密安撫司

孟定府 額徵銀陸百兩

孟良府 額徵金壹拾陸兩陸錢陸分

南甸宣撫司 額徵銀壹百兩

干崖宣撫司 額徵銀壹百兩

隴川宣撫司 額徵銀肆百兩

威遠州 額徵銀肆百兩

灣甸州 額徵銀壹百伍拾兩

勐萊志第十一 雲南通志卷十六

鎮康川 額徵銀壹百兩

大侯州 額徵銀貳百兩

鈕兀長官司 額徵馬四匹折銀壹拾兩

芒市長官司 額徵銀壹百兩

八寨長官司

孟璉長官司 額徵銀貳百兩

瓦甸長官司

茶山長官司

麻里長官司

摩沙勒長官司

大古刺宣慰使司  
底馬撒宣慰使司

貢象道路

上路由永昌過蒲縹經屋牀山箐險路狹馬不得  
並行過山即怒江過江即焚夷界也江外高黎共  
山路亦頗險山巔夷人立柵為砦此柵三代謂之  
徽外也過騰衝衛西南行至南甸千崖隴川三宣  
撫司隴川有諸葛孔明寄箭山隴川之外皆是平  
地一望數千里絕無山谿隴川拾日至猛密二日  
至寶井又十日至緬甸又十日至洞吾又十日至

擺古見今莽酉居住之地

羈縻志第十一卷雲南通志卷十六

三

下路由景東歷赭樂甸行一日至鎮沅府又行二  
日始達車里宣慰司之界行二日至車里之普耳  
此處產茶一山聳秀名光山有車里一頭目居之  
蜀漢孔明營壘在焉又行二日至一大川原輪廣  
可千里其中養象其山為孔明寄箭處又有孔明  
碑苔泐不辨字矣又行四日始至車里宣慰司在  
九龍山之下臨大江亦名九龍江即黑水之未流  
也由車里西南行八日至八百媳婦宣慰司此地  
寺塔極多一村一寺每寺一塔村以萬計塔亦以

萬計號慈國其酋惡殺不喜爭敵人侵之不得已  
一舉兵得所讐而罷由此又西南行一月至老撾  
宣慰司其酋一代止生一子承襲絕不生女西行  
十五六日至西洋海岸乃擺古莽酋之地

### 分制吐蕃

吐蕃在雲南鐵橋之北一名古宗一名西蕃一名  
細腰蕃在唐常寇雲南詔不能勝讓之為兄乃  
得粗安後劍南節度提南詔兵擣其巢穴斬首數  
十萬永斷鐵橋吐蕃自是不復為雲南患我

高皇帝既平雲南遂裂吐蕃為二十三支分屬郡邑

羈縻志第十一

雲南通志卷之十六

四

以土官轄之麗江府控制古宗永寧府北勝涼築  
等州控制諸蕃今蕃人皆効順惟我所麾矣

焚夷風俗

焚夷在黑水之外即今之所謂百夷也  
焚百聲相近蓋音訛也性耐暑熱所居

多在平濕生棘之地故造字從棘從人滇之西南  
曠遠緬平濱海多濕故焚夷居之雖有數十種風

俗大同小異統名焚夷也有大小焚夷蒲人阿昌  
縹人古喇哈喇緬人結堂哈社怒人等名皆焚類

也風俗稍有不同名亦因之而異其俗稱宣慰曰  
昭猶中國稱主入也其官爵之別孟昭錄稱綱之類

總率有差不下數萬昭錄亦萬餘人賞罰皆任其意  
人少者不下數萬昭錄亦萬餘人賞罰皆任其意

昭綱千人遙域至十人皆切孟折屬又有昭錄遇  
有調遣則統數千人以行其近侍名立者亦領人

戶數百皆聽其使令食其所賦取之無刑用之無  
厭上下奢奢雖微名簿職輒繫銀花金銀寶帶官

民皆用笄釵為帽以金玉等寶為高頂如寶塔狀  
上懸小金鈴逾插翠花翎毛之類後垂紅纓貴者

衣用紵絲綾錦以金花金鈿飾之出入所乘或象  
或馬從者塞途信以坐象為貴以銀鏡十數為飾  
銀鈴銀釘為綠象鞍三面以鈇為闌藉以重裊懸  
以銅鈴鞍後於一人銅附花裳執長鈎制象為疾  
徐之節招搖于道自以為貴其相見合掌為敬長  
于已者則跪拜有所論則叩頭受之雖貴為切孟  
見宣慰莫敢仰視凡有問對則膝行以前三步一  
拜退亦如之賤見貴少見長皆然侍貴人之側或  
過其前必躬身而趨筵宴則貴人上坐僚屬廁役  
以次列坐于下有客十人則呼一人舉盃齊行十  
客者三既就座先進飯次具醪饌有差食不用筋  
每客一卒跪座側持水瓶盥洗凡物必祭而後食  
樂有三曰焚夷樂緬樂車里樂焚夷樂者學漢人  
所作箏笛胡琴響琴之類而歌中國之曲緬樂者  
緬人所作排簫琵琶之類作則象皆拍手而舞樂  
里樂者車里人所作以羊皮為三五長鼓以手拍  
之閒以銅鏡銅鼓拍板與中國僧道之樂無異其  
鄉村飲宴則擊大鼓吹蘆笙舞牌為樂無中國文  
字小事則刻竹木為契如期不爽大事則書中國文  
字

羈縻志第十一 雲南通志卷之十六 五

為檄無文案可稽無賦池可守惟因高山為若而  
遣親信往各甸計房至徵金銀謂之取差發每房  
一千間輸銀一兩或二兩承行者象馬役人動以  
人者死犯姦者死偷盜者全家處死為賊者一條殺  
皆死故無姦盜道不拾遺軍民無定籍聚則為軍  
散則為民每三人或五人交軍一名正軍謂之昔  
刺猶中國言壯士也昔刺持兵器則負荷以供  
餉需故軍三十萬則戰者不滿十萬師行軍在前  
酋象在中供餉在後進後退不一而號令不紊  
倚象為聲勢每戰則用繩索自縛于象上悍而無  
謀軍器少弓箭多繩桑為弩以革為盈銅鐵雜革  
為甲勝則驕惰爭功負則逃竄山谷驛路無郵亭  
一里半里許構一小草棚五人坐守雖遠千里報  
在旦夕公廨與民若無異雖宣慰府亦樓房數十  
而七制甚鄙猥以草覆之無陶瓦之設如酋長富  
者以陶瓦蓋屋必有天火燒之頭目小民多以竹  
為樓富者結構亦齊整民間器皿餽盆之類惟陶  
冶為之孟良等處漆器却精緻其宣慰用金銀車

渠琉璃等器其下亦以金銀為之凡一頭目出行

則象馬兵戈及米瓮器血僕妾財寶之類皆隨以

行動輒數百人隨處宴樂小民苦之其俗男貴女

賤雖小民視其妻如奴僕耕織貿易差徭之類皆

女職之非疾病雖老不得少息凡生子貴者以水

浴于家賤者則浴于河三日後以子授其夫耕織

自若頭目有妻百數婢亦數百人少者數十雖庶

民亦有十數妻者妻妾無嫉妬之嫌舊俗不重處

女如江漢將女之習及笄始禁足方用謀妁以羊

酒財帛之處楚夷短衫小袖長衣寬襦官民皆髡首黥

南甸等處養俱短衫小袖長衣寬襦官民皆髡首黥

川猛密孟養俱短衫小袖長衣寬襦官民皆髡首黥

足有不髡者則酋長殺之不黥足者則眾皆嗤之

曰婦人也婦人則縮獨髻于腦後以白布裹之身

穿窄袖白布衫阜布桶裙白行纏洗足貴者以錦

綉為桶裙白布衫阜布桶裙白行纏洗足貴者以錦

父毋亡不用僧道祭則用婦人祝于屍前諸親戚

隣人各持酒物于喪家聚少年百數人飲酒作樂

歌舞連旦謂之娛屍婦人持火及刀前導送至葬所

而後葬葬則親者一婦人持火及刀前導送至葬所

以板數片瘞之其人平生所用器血盆甲戈盾之

類壞之懸於墓側而去自後絕無祭掃之禮矣又

有死三日之後命女巫祭送謂遣之遠去不使復

還家也滿人青紅布裹頭頂以青綠小絲繩而繫

之多者為貴無則為賤也下着花棍身掛花套長

衣膝下繫黑藤數遭婦人縮髻于腦後頭帶青綠

珠以花布圍腰為裙上繫海貝帶十數圍以莎羅

布繫有上為盛服赤脚而行涉水登山其疾如飛

裁脛裘青花行纏餘與蒲婦人同哈刺花布繫腰

黑男子以花布為套與蒲婦人同哈刺花布繫腰

圍古刺男女色黑尤甚男子以紅黑藤繫腰數十

如短衫露其腹以紅藤纏之莎羅布為裙兩接上

短下長男女同耕緬人色黑類哈刺布為裙兩接上

裹頭衣白布大袖衫緬人色黑類哈刺布為裙兩接上

犬餘賤者不盈丈婦人類哈刺布為裙兩接上

披花布為衣也哈刺布為裙兩接上

人阿昌哈刺水邊也言語皆不相通又有結萱者

則居平地或水邊也言語皆不相通又有結萱者

以象牙為大環從耳尖穿至頰車以紅花布一尺  
 許暴頭而垂帶於後衣半身衫而但其右肩夏里  
 境上諸夷風俗雖異然多習隸夷所為其地以鷄  
 骨占凶吉不知四時節序惟望月之出沒以測時  
 候人病則令師巫於路傍祭鬼而已地多平川土  
 沃人繁村有巨者戶以千百計然民勤於務本牛  
 不穿鼻故不服耕惟婦人用鑿鋤之故不能盡地  
 利春夏多雨而秋冬多晴夏月濕熱尤甚冬月常  
 如中國仲春晝暖夜稍寒素無霜雪春秋煙瘴居  
 多人病單熱者必至不起若寒熱交作成瘡而可  
 愈草木禽獸皆有異者傍大木多二尖並生高三  
 五丈許結為連理矮脚鷄鳴無時自更深鳴至微  
 曉牝鷄亦然魚有鮎魚頭而鯉魚身者牛有水牛  
 頭而黃牛身者又有牛峯如駝者市有熱池一畝  
 許水沸如湯入不敢近以生肉投之即熱物之珍  
 者犀象孔雀鱗蛇雲毋琥珀古刺錦編藤漆器交  
 易五日一集旦則婦人為市中男子為市以毡  
 布蓋茶互相貿易地多桑柘四時皆蚕金裹兩齒  
 者謂之金齒蠻亦其齒者謂之漆齒蠻文其面者  
 謂之繡面蠻繡其足者謂之繡脚蠻彩繪前撮其  
 髮者謂之花角蠻歐陽文忠公歸田錄載云家藏  
 西南夷人所賣蠻布弓衣其文織成梅盛愈春雪  
 詩真寶玩也此物即古刺錦也楚夷之地西南際  
 海海行五月至佛代國阿育國大秦國加盧國等  
 泛海有至加盧國者述其事曰土熱衢路植椰子  
 枳柳仰不見日王居以金銀為甃瓦以香木為炊  
 爨堂飾明珠有二池以金為限舟楫皆飾金寶  
 王姓因沒長名摩羅惹其相名曰摩訶那王出  
 與以金繩牀遠則乘象嬪史數百人青覽為圓城  
 周百六十里有十二門四隅作浮圖民皆居中俗  
 錫為瓦荔支為材俗惡殺拜以手抱臂稽顙為恭  
 明天文喜佛法有百寺琉璃為臂錯以金銀丹彩  
 紫鑲塗地覆以錦罽王居亦如之民七歲祝髮止  
 寺至三十有不達其法復為民衣用白氎朝霞以  
 纊帛傷生不敢衣戴金花冠翠冒絡以雜珠王宮  
 設金銀二鐘冠至焚香擊之以占吉凶有巨白象  
 高百尺訟者焚香跪象前自思是非有退有災象  
 背重者五輕者三殺人則死土宜椒粟稻梁蔗大

若脛無麻夢以金銀為錢形如半月號登伽伯亦曰足禱佗俗無膏油以蠟雜香代炷與諸蠻市亦江珠赤青翠裙被羅毼行持扇貴家者傍至五六近城有沙山不毛地亦與波斯婆羅門接距西舍利城二十日行西舍利者中天竺也南詔以兵疆地按常羈制之夷亦有美俗如一切借貸除備通財期約諸事不知文字惟以木刻為符各執其半如約酬償毫髮無爽如有不平赴酋長口訟以石子計其人之過酋長因而訓之使改不改則死惡設酋長要行侵伐不得一草不動閭門極嚴婦人既嫁婿有言其婦外窺者婦家父母親戚俱來控自稱鬼妻婦女種藝紡績養蚕織錦有織大布者機潤八尺口誦佛號乃擲一梭婦女不下樓樓上各設床幔惟一女使守幔人不敢近其地炎熱一日三浴多在河中婦女脫衣能不露體辨髮垂肩好着白衣垂纓絡多跣足如中土畫白衣觀音之飾世傳觀音以女像化其俗故女人效之妻妾

萬國真 王也 韞縠志卷十一 雲南通志卷十六

不妬忌夫之所寵妻亦敬之婦人制象則以繩穿其耳夜則以鐵絆其足婦人敬夫進食必叩頭至地人敬酋長雖在暗室聞過必跪舉手加額兩首爭戰既久勝負未分有僧入陣止之遂罷戰而歸戰聞以得所讎而止不及妻孥其自稱國號皆唐虞之舊可見封建之法薄海內外皆有之故曰

附論雲南徼外之夷俱在黑水之南是名麓夷

國朝撫夷之術乃駕馭之良法惜今不講久矣麓川之叛也初以小攻取得利因大肆貪求盛陳兵革然猶在滇徼外以夷攻夷及久而莫之禁也則志驕氣盈因之為逆嗚呼萌蘖不剪拱把其柰何雖天兵南下渠魁就俘然斯民之塗炭已極矣是後

識治體之臣鑒麓川之禍脩復舊典以防其微歲  
檄文武良吏深入夷方名曰撫夷一以勘明奏獄  
一以察識夷情歸報重臣以俟分別故夷方雖遠  
夷情叵則然其動定音耗可坐而致即有小警隨  
加策斷不俟其大翼弱鋤強興廢繼絕不待其聞  
故夷官競競小心其子孫得以永享佚樂夷民得  
安於本業而中國之民亦無戰伐之勞乃

聖王仁覆華夷之大猷也今則不然上以文具使下下  
以故事應上使不擇人故夷不服上不信下故事  
不終為南中計盍思其本原而調御之

羈縻卷第十一

雲南通志卷之十六

九

蠻蠻風俗

蠻蠻在黑水之內以其王姓蠻遂名蠻按陸梁有蠻王碑云楚令尹子文之後

受姓班氏西漢末食邑於蠻遂以為氏其後世為鎮蠻校尉晉武時蠻深為與古太守自後有蠻瓚

蠻震隋開皇問蠻訖作亂遣史萬歲平之唐開元以蠻歸王為南寧州刺史石城即今曲靖也蠻

夷之名其原如此今雲南郡縣山谷險阻之地皆此夷居之種名不同而為蠻則一也此蠻寡則刀

耕大種衆則聚而為盜勇馬貴折髮衣卑貴者錦佩雙刀喜聞以輕死為勇馬貴折髮衣卑貴者錦

為鞮狀如魚口微容足指婦女貴坐室女耳穿大繡飾賤者披羊皮乘馬則並足橫坐室女耳穿大

環剪髮齊眉裙不掩膝男女無貴賤皆披氍毹得夫婦之禮晝不相見夜則同寢生子未十歲不得

見其父妻妾不相妬忌嫁娶尚男家無可配者方許別婚疾不識藥惟用男巫號曰大現瞽以鷄骨

占吉凶在酋長左右斯須不離事無巨細皆决之正妻曰耐德非所生不得繼父之位若耐德無子

酋長無繼嗣則立妻女為酋長酋長死以豹皮裹

死而焚葬其骨於山非骨肉莫知其處臘月為春  
節豎長竿橫設一木左右各坐一人以互落為戲  
多養義士名直可厚贍之遇戰聞視死如歸善造  
堅甲其利刃有價直數十馬者標鎗勁弩置毒矢  
未沾膚立死其在麗江府附近於四川者曰磨夢  
與吐蕃接壤多羊馬及麝香名鐵依江附險好戲  
喜獵挾短刀以碑礫為飾少不如意鳴鉦鼓相讐  
殺不祀神佛唯正月五日登山祭天極嚴潔男女  
動百數互執其手圍旋歌舞以為樂俗甚儉約飲  
食疎薄一歲之糧無多有日者尊敬官則為深耻  
牢殺牛羊競相邀請無虛力一容不至則為深耻  
人命死者則別焚之其在臨安西南五百里外者名  
幹泥蠻巢居山林治生甚儉家積貝以一百二十  
索為一窖藏之地中將死則囑其子曰我平生戴  
貝君于汝可取幾處餘者勿動我來生用之其有  
尋甸崑崙散居者名野蠻無衣服以木皮蔽體形  
貌醜惡男女多一夫有十數妻者持木弓以禦  
侵暴不事農織入山林採草木及動物而食無器  
血以芭蕉葉簍之其在順寧沿關滄江而居者名

羈縻蠻第十

卷之六

十

番蠻一名撲子蠻性勇健專為盜賊騎馬不用鞍  
跣足衣短甲膝胛皆露善用鎗弩首挿雉尾馳突  
如飛其近曲靖在烏蒙烏撒越雋者其俗皆同其  
在武定者名羅婺其俗小異其在楚雄鞍籠箐  
安鐵鎖箐賓川州赤石崖埡嶺古底者半為盜賊  
其在鶴慶四十八村緡羅惟海西子尤為蠻之兇  
者此諸蠻居郡縣裔境各有酋長名為土官官廉  
則盜賊自息其為盜賊者皆土官有以致之然蠻  
蠻終不若越  
夷之易制也

論南中諸夷種類至不可名紀然大槩有二種

在黑水之外者曰僂在黑水之內者曰爨爨有百  
餘種爨亦七十餘種爨性柔怯爨性強悍爨耐濕  
好居卑爨耐燥好居高爨以紡績稼穡為業爨以  
生畜射獵為業爨從酋長之令姦者死盜者族故

道不拾遺外戶不閉鑿雖有酋長然與郡縣雜居  
習染詐偽故姦盜不止時起侵犯此諸夷之大較  
也彙不為盜唯變為盜管變土官初則縱之為盜  
與之分贓久之反為所侮矣為今之計宜考察土  
官分別貪廉而賞罰之亦九年之病三年之艾也

### 滇國始末

七國楚頃襄王遣將軍莊豪畧地至滇池見地旁  
沃野千里定屬楚方圖歸報會秦拔黔中道塞不  
能歸遂以其眾王滇傳世至嘗羗漢武元狩間指  
求身毒國嘗羗問漢使者曰漢我孰為大使者歸

報帝惡其不遜時白子國仁果善撫其眾與嘗羗

角立帝乃封仁果為滇王豪世遂絕此滇國絕而

白國繼也

史記兩漢書俱作楚威王使莊躡東漢書作楚頃襄使莊豪以時考之東漢是

### 白國始末

遂古之初西海有阿育國其王能登雲上天

出隋書

娶天女生三子長曰福邦次曰弘德季曰至德封

長季二子於金馬碧鷄俾分主其地次子封於蒼

洱之間阿育俗奉佛教惡殺不茹葷腥日食白飯

人稱為白飯王是為白國之鼻祖也其時入壽二

三百歲長子季子壽終各為神楚莊豪據有其地

次子傳世至仁果以慈信治國國人世世戴之漢  
元狩間蒞豪治滇仁果治白崖兩國角立帝嘉仁  
果為衆所戴以玉印冊之為滇王遂奄有全滇之  
地豪世遂絕帝慮其地廣兵衆遣王然于等將兵  
臨滇滇王舉國降改為益州郡即今大理也仁果之子  
孫世守其家法不尚染采不殺生仍號白國是時  
守令治其人酋長安其土兩不相妨傳至十五世  
孫鳳龍佑那不變其舊諸葛武侯收用豪傑仍封  
佑那於其故地賜姓張氏又傳十七代至張樂進  
求時哀牢人細農邏耕于巍山即今蒙化其宅數有祥  
異社會之日衆祭銅柱柱頂故有金鑄鳥鳥忽飛  
下農邏左肩衆駭異以為天意所屬進求乃以女  
妻之因以國讓之而隱此白國絕而南詔繼也

### 南詔始末

哀牢夷蒙迹獨捕魚溺死江水中其妻沙壹哭之  
坐于江涯沈木上若有感因懷衽十月產子男十  
人後沙壹至水上沈木化為龍作人語曰若為我  
生子何在九子見龍驚走獨小子不能去背龍而  
坐龍舐其背其母鳥語謂背為九謂坐為隆因名  
小子曰九隆後長大而黠遂共推為王後牢山下

有夫婦生十女子九隆兄弟皆娶以為妻後漸滋長種人九隆死世世相繼乃分置小王散居川谷唐天寶以後有九隆之裔曰細農邏者耕於魏山即今數有祥異社會之日衆祭銅柱柱頂故有金鑄鳥鳥忽飛集龍邏肩有上衆駭異以謂天意有屬白國主張樂進求因以國讓之農邏自立為音王時九隆之裔渠帥有六兵力相埒分據其地蠻謂王為詔故曰六詔高宗時農邏遣子入朝授農邏以魏州刺史死偽謚高祖子羅晟嗣

羅晟僭立當高宗上元元年至睿宗景雲中姚州蠻先附吐蕃御史李知古請兵擊降之築城置州縣重稅賦因誅其豪雋掠其子女為奴婢群蠻怒引吐蕃攻知古殺之於是姚雋路絕晟猶奉唐正朔死偽謚世宗子晟羅皮嗣

晟羅皮之立當玄宗先天元年立孔子廟于國中死謚威成王子皮羅閣嗣

皮羅閣之立當玄宗開元十六年受唐冊封為雲南王賜名歸義於是南詔浸強大而五詔微弱皮羅閣因仲夏二十五日祭先之期建松明為樓以會五詔宴次羅閣伴下樓擊鼓舉火焚樓五詔遂

滅賂劔南節度王昱求合五詔為一朝廷許之於是盡有雲南之地因破土蕃既併五詔乃卜太和形勝左洱水右蒼山山海之交結於子午遂築太和城自蒙舍徙居之立上下二關曰龍首曰龍尾後遣其孫鳳伽異入朝授以鴻臚少卿妻以宗女賜樂一部南詔於是始有中國之樂死于閣羅鳳立閣羅鳳之立以天寶八年故事酋長謁都督偕妻子行鳳孛家至雲南太守張乾陀皆私之復多徵求鳳怒攻雲南殺乾陀取夷州三十二陷鶴州獲唐西瀘令鄭回拜清平官

師也

國天寶十年夏四月

羈縻

第十一卷南通志卷之十六

十四

庚寅節度使鮮于仲通將命致討鳳伽異及段儉魏逆戰于西洱河唐兵死者六萬人仲通僅以身免封儉魏為清平官賜名段忠國以旌之遂北結吐蕃吐蕃封之為東帝刻碑國門之外明叛唐非得已也改國號曰太蒙始建年號曰贊普鐘十三年劔南雷後李宓將兵擊之為蒙氏所誘全軍沒焉後屢發兵竟不能克前後死者二十萬人南詔自是始與中國隔絕矣皆張乾陀激成此變也代宗大曆十四年羅鳳死偽謚神武子鳳伽異未嗣而死孫異牟尋立

僭改元贊普鍾

異牟尋以唐代宗大曆十四年嗣立先居史城

今青州也連吐蕃入寇唐神策都將李晟擊破之異牟

尋懼攻城苴咩今大理改國號曰大理自稱曰日東

王僭封五嶽四瀆并立祠三皇廟春秋致祭以國

界內點蒼山為中嶽東川界絳雲山為東嶽

在今州一名高蒙山一名雲龍山有十銀生部界蒙樂

山為南嶽在今者樂甸又名無量山其山千仞有

水昌騰越界高黎共山為西嶽在今騰衝一名覓

歸龍川左右有平川名為穹甸草再貫四叙不周

瘴氣最惡多雪至春方融夏秋穹甸炎熾商賈怒

歸來無奈奈甸今雲南通志卷之十六十五

江界王龍山為北嶽在今麗江一名雪山其山九

望之若在咫尺與蜀以黑惠江瀾滄江路江麗江

為四瀆立官號曰九爽三托其地東至於銅柱鐵

橋蟠桃王榆東南至於交趾南至於驃國木落山

西至於太石西北至於吐蕃北至於神川東北至

於黔巫八方之地屬以八演從中國教今都曰苴

咩別都曰善闡皆中國降人為之經畫也德宗貞

元三年鄭回說以大義令復歸唐異牟尋然之會

西川節度使韋臯招撫群蠻尋因求內附而猶結

好吐蕃臯乃為善遺尋叙其歸化之誠傳至吐蕃

吐蕃疑之異牟尋歸附之志益堅九年上表請絕吐蕃復臣於唐十年自將數萬人襲吐蕃大破之遣其弟獻圖納貢及吐蕃所頒金印請復號南詔唐以其功遣使冊之賜銀窠黃金印王北面跪受之宴使者出玄宗所賜器物指老笛工歌女曰皇帝所賜龜茲惟二人在耳使者曰南詔當深思祖考子孫勿替盡忠皇唐對曰敢不敬使者之命死偽謚孝恒改元曰見龍曰上元子尋閣勸嗣尋閣勸以唐德宗貞元十五年立死子勸龍晟立偽謚孝文改元應道

勸龍晟以唐永貞元年立淫虐不道其臣差顛殺之而立其弟勸利晟偽謚幽改元龍興

勸利晟以唐憲宗元和元年立死偽謚靖王改元全義傳子晟豐祐

晟豐祐以穆宗長慶四年立善馭其下文宗太和三年西川節度使杜元穎不恤士卒有流入蠻境者蠻衣食之由是盡得蜀之虛實與其臣差顛遂謀入寇以蜀卒爲鄉道襲陷邛戎嵩三州引兵徑入成都取諸經籍大掠子女工技數萬人及珍貨而還豐祐乃遣使上表請罪元穎朝廷以李德裕

代之德裕保障有方得南詔所掠百姓四千人豐祐死僞謚昭成改元曰保和曰天啓傳子世隆

世隆之立以唐武宗會昌十三年初韋臯開蜀清溪道以通群蠻入貢又選子弟聚之成都教之書數以羈縻之而軍府不時給其餼須南詔因是不肯入貢及世隆立朝廷以其名同玄宗諱不行冊禮諭令更名謝恩然後遣使會世隆寇嵩州事遂寢世隆乃僭稱皇帝懿宗咸通三年西寇安南四年寇交趾殺虜幾十五萬人畱兵二萬使其將楊思紹據之谿洞夷獠皆降五年寇邕州敗還七年

羈縻

卷之十六

十七

節度使高駢大破之復定交趾十年世隆傾國入

寇陷捷為及黎雅嘉三州十一年進攻成都不克

引還僖宗乾符元年復寇西川陷黎州入寇邛峽

關勝負不常二年攻雅州聞高駢攻西川遣使請

和駢發兵追至大渡河殺獲甚衆擒其酋長數十

人四年復寇越雋死於景淨寺自世隆嗣立以來

為邊患殆二十年中國為之虛耗而其國亦弊偽

謚景莊皇帝改元建極子隆舜嗣

隆舜

通鑑作法誤也南詔名皆父子相承世隆之子曰隆舜近是

之立以僖宗

乾符四年性好畋獵酣宴委國事於其臣是歲請

和許之又迭請和親廣明元年遣宗正少卿李龜  
年充使中和元年上半年上表款附三年以宗室女妻之  
後內嬖失道爲豎臣楊登所弑爲謚宣武子舜化  
貞嗣改元二曰貞明曰嗟耶

舜化貞之立以唐昭宗乾寧四年改元中興上書  
於唐唐欲報以詔王建言小夷不足辱詔書臣在  
西南彼何敢犯塞從之立四年其臣鄭買嗣奪之  
而滅其國追謚孝哀蒙氏自細奴羅至舜化貞十  
有三世立三百十年而爲鄭氏

鄭買嗣本唐鄭回之後世爲蒙氏清平唐昭宗光

羈縻志卷十一

雲南通志卷之十六

十八

化五年旣滅蒙氏而自立改國號曰大長和改元  
曰安國死僞謚德桓子旻嗣立攻蜀黎州王建發  
兵大破之俘斬數萬級溺死數萬人求婚於南漢  
漢主以會城公主妻之改元五曰始元曰天瑞景  
星曰安和曰貞祐曰初曆死僞謚肅文子隆賈嗣  
立改元天應未幾爲東川節度使楊干貞所殺鄭  
氏三傳歷年二十有六而爲趙氏

趙氏名善政爲清平楊干貞旣殺滅鄭氏遂拔善  
政而立之後唐明宗之天成三年也改國號曰大  
天興立僅十月干貞又奪之而爲楊氏

楊氏名干貞既奪趙氏而有蒙國改國號曰大義  
寧政元曰尊聖貪虐無道中外咸怨通海節度使  
段思平與師問罪干貞不能禦走死楊氏立僅二  
年而段氏興焉

段氏之先武威郡白人也有名儉魏者佐蒙氏有  
功賜名忠國擢清平官六傳而生思平思平生有  
異兆楊干貞忌之使人索捕思平逃匿得竒戟于  
品甸波犬村又得神驥於葉鏡湖

在雲南縣正南  
波犬舖是也

饑摘野桃剖之核膚有文曰青昔思平拆之曰青

乃十二月昔乃二十一日今楊氏政亂吾當以是

羈羈集第土 雲南通志卷之十六 十九

日舉義乎遂借兵東方黑爨三十七部皆助之衆

至洱河尾是夕思平夢人斬其首又夢玉瓶耳缺

又夢鏡破懼不敢進兵其軍師董如羅曰三夢皆

吉兆也公為大夫夫去首為天子兆也玉瓶去

耳為王者兆也鏡中有影知人有敵鏡破則無

影無影則無敵矣三夢皆吉兆也思平乃決明旦

引兵欲渡莫知所從見江尾一婦被嬰而浣者指

曰人從我江尾馬從三沙矣爾國名大理從之得

濟既逐楊氏而有蒙國遂改國號曰大理政元曰

文德時後晉天福二年也死偽謚太祖傳子思英

立未幾死偽謚文經武略皇帝國人立其叔思良  
思良以後周廣順三年立改元三曰明德曰廣德

曰聖德死傳于素順素順於思聰未知何屬也

素順以宋太祖建隆四年立時王全斌既平蜀欲

因兵威取滇以圖進於上太祖鑒唐之禍基於南

詔以玉斧畫天澗河曰此外非吾有也由是雲南

三百年不通中國段氏得以吮臨棘巒以長世焉

在位十七年改元明正死偽謚應道皇帝傳于素

英以宋太宗雍熙二年立改元五曰廣明曰明應

曰明聖曰明德曰明治死偽謚昭明傳于素廉

編纂廢第之今雲南通志卷之十六

素廉以宋貞宗祥符二年立改元二曰明啓曰乾

興死偽謚敬明傳于素隆

素隆以宋天禧二年立改元二曰明通曰天聖避

位為僧死偽謚秉義傳于素貞

素貞以宋仁宗天聖四年立改元正治死偽謚聖

德傳于素興

素興以宋慶曆元年立改元二曰聖明曰天明以

無道國人廢之而立思廉

思廉以宋慶曆四年立皇祐中廣西儂智高掠廣

州敗走大理狄青募死士使大理求之會智高已

死於大理函其首至京師段氏至是始聞名於中國思廉立三十一年改元四保安政安正德明德死偽謚世宗傳子連義

連義以宋熙寧八年立改元二曰上德廣安皇帝凡四年段氏臣岳侯高智昇遣子昇太起東方兵討滅之而立段壽輝壽輝連義之從子壽輝立二年改元曰上

明傳於正明

正明以宋元豐五年立改元三曰保立建安天祐

避位爲僧時國人皆歸心高氏遂奉高昇太爲主

而段氏中絕

高昇太有功段氏爲國人所立以宋哲宗之元符

二年立國改國號曰大中國改元上治臨終屬其

子太明日段氏不振國人推我我不得已從之今

其子已長可還其故物爾後人勿效尤也太明遵

其遺言求段氏餘子正淳立之而段氏復興號曰

後理國高氏世相之賞罰法令皆由之國人稱爲

高國主波斯崑崙諸國求貢大理者皆先謁相國

焉

正淳復國改元天授以高太明爲相太連爲輔主

遣太連朝宋求經籍得六十九家立十三年改元  
曰開明曰文安避位爲僧死僞諡中宗傳子正嚴  
正嚴以宋徽宗大觀二年立四十年改元四曰日  
新曰永嘉曰保天曰廣運避位爲僧死僞諡憲宗  
傳子正興

正興以宋高宗紹興十七年立改元四曰永貞曰  
大寶曰龍興曰盛明避位爲僧死僞諡景宗傳子  
智興

智興以宋孝宗乾道八年立改元五曰利貞曰盛  
德曰嘉會曰元亨曰安定死僞諡宣宗傳子智連

智連以宋寧宗慶元六年立改元鳳曆死僞諡享

天傳弟智祥

智祥以宋寧宗開禧元年立改元二曰天開曰仁  
壽死僞諡神宗傳子祥興

祥興以宋理宗嘉熙三年立改元道隆甲辰元兵  
攻之逆戰敗死宋遣使祭之祥興死僞諡孝義傳  
子興智

興智以元憲宗元年立改元天定壬子歲元忽必  
烈將兵擊之分三道進自臨洮經行山谷二千餘  
里浮金沙江以韋囊濟進薄大理興智及高太祥

拒戰大敗祥興奔善闡太祥就擒不屈斬于五華樓下時白日當午忽雲起雷震世祖異之曰忠臣也遂虜興智滅其國段氏自思平至興智二十二年主歷三百五十年

元既滅段氏而有其地得五城八府蠻郡三十有七設大理都元帥府仍隸段氏子姓世守其土赦興智封爲摩訶羅嗟管領八方興智死元季亂中原多故段氏復據之於是有十一總管出焉

一代總管曰段實元中統二年入覲世祖嘉之賜璽書令總管大理善闡會川建昌永昌騰越諸郡

以功累授行省叅政以攻石城今曲及仁德府今

甸功錫虎符爲總管

二代總管段忠至元中隨元帥伐西林破會川通善闡平休林武定緬甸之役皆有功授金齒宣慰兼掌軍民萬戶府

三代總管段慶元封爲宣武將軍妻以公主入朝歸授雲南省叅政

四代總管段正

五代總管段隆

六代總管段俊

七代總管段義

八代總管段光時元大德中中原板蕩梁王以元宗室鎮善闡與段氏分域構隙至大二年梁王大破光兵光將高蓬守羅那關梁王密招之不從乃賂蓬庖人刺蓬以其首獻梁王王并庖人戮之至治元年王案山產小赤犬群吠遍野占云天狗墜地爲赤犬其下有大軍覆境又時雨鐵民舍山石皆穿人物值之多斃謠俗號曰鐵雨

九代總管段功初襲爵爲蒙化知府至正十二年繼立爲總管癸卯明玉珍自楚入蜀據之分兵四

轉

雲南通志卷之十六

二十四

掠號曰紅巾明玉珍自將紅巾三萬攻雲南梁王

及憲司官皆奔威楚諸部悉亂功謀于負外楊淵

海淵海卦之吉乃進兵至呂閣敗紅巾于關灘江

殺獲千計紅巾收合餘劔再戰殺段氏驍酋鐵萬

力於是紅巾屯古田寺段氏夕潛火其寺紅巾軍

亂死者什七八又追至回磴關大敗之紅巾大呼

之曰待明年來復仇時功在戰間得玉珍毋寄其

子書云爾征南務得之不得輕還軍少糧乏我當

添補楊淵海效其書跡易之曰中國兵來急爾宜

早歸遂募能入紅軍營者有小卒陳惠願行王珍

得書恐國中有變又新失利遂急收軍功追之至七星關又勝之而還初王珣圖梁王意欲倣蒞豪故事奄有滇土既屢爲功所敗銳氣挫盡自此絕意西南梁王大敵既去感功之助而深德之百允報謝功皆不受王乃爲之奏授雲南平章以女阿禛妻之王雖陽德之心實忘之功有臣楊淵海諷之不悟其夫人高氏在大理寄樂府促之功得書暫歸復往其從行楊智張希喬再三留之功不聽蓋往爲梁王壽初無他意既至善闡梁人諧之於王揚言於外曰段平章此來氣燄盛大有吞金馬

燕碧雞之心矣蓋早圖之梁王密召阿禛命曰親

莫若父母寶莫若社稷功今志不滅我不已脫無

彼猶有他平章不失富貴也今付汝以孔雀膽一

具乘便可毒殪之主潛然不敢受命夜寂入定私

語平章曰我父忘阿奴願與阿奴西歸因出毒具

示之平章曰我有功爾家我耻自蹶傷爾父尚寧

爲我畏之爾何造言至此三諫之終不聽明日邀

功東寺演梵至通濟橋馬逸因令番將格殺之阿

禛主聞變失聲哭曰昨暝燭下纔講與阿奴雲南

施宗煙花殞身今日果然阿奴雖死奴不負信黃

泉也欲自盡梁王百方防衛主愁憤而死

十代總管段寶功之子洪武元年嗣職梁王遣矢  
刺平章七攻大理不克乃講和奏陞寶爲雲南左  
丞未幾明王珍復侵善闡梁王遣叔鐵木的罕借  
兵大理時寶已長答書云殺虎子而還喂其虎毋  
分狙栗而自詎其狙公假途滅虢獻璧吞虞金印  
王書乃爲釣魚之香餌繡閨淑女自設掩雉之網  
羅况平章旣亡弟兄整絕今止遺一嫠一奴奴再  
贅華黎氏嫠又可配阿蓋妃如此事諾我必借大  
兵如其不可待金馬換作蒼山滇池改爲洱水彼  
時可望吾兵來矣梁王見書恨寶入骨平章女僧  
奴志恒不忘父仇將適建昌阿黎氏出手刺繡文  
旗以與寶曰我自束髮聞父母之冤恨非男子不  
能報此旗所以識也今歸夫家收合東兵飛檄西  
洱汝急應兵會于善闡有詩

具列後寶聞  
女下

高皇帝開基金陵遣其叔段貞自會川入京奉表歸

欵

朝廷亦以書報之

見御製  
文集

十一代總管段明洪武十四年授以宣慰壬戌春  
正月天兵破善闡梁王自鳩黨屬悉俘明遣都使  
張元亨馳書潁川侯傅友德西平侯沐英麾下曰

大理乃唐交綏之外國善闡實宋斧畫之餘邦難  
列營屯徒勞兵甲請依唐宋故事寬我蒙段奉正  
朔佩華篆比年一小貢三年一大貢候怒拷辱其  
使答書曰我

大明龍飛淮甸混一區宇陋漢唐之小智卑宋元  
之殘圖天兵所至神龍助陣天地應符汝段氏接  
武蒙氏運已絕於元世寬命延息以至于今我師  
已殲梁王報汝世仇不降何待三月傅沐二將分  
兵宵緣點蒼顛統出下關之背先樹旗幟遲明段  
兵驚潰大軍策馬亂流而濟明遂就擒并其二子  
仁義至金陵

羈縻志卷十一

雲南通志卷之十六

二十七

太祖聖諭曰爾父寶曾有降表朕不忍廢賜長子名  
歸仁授永昌衛鎮撫次子名歸義授鴈門衛鎮撫  
大理悉定是夏六月元普顏篤復叛據佛光寨在  
川東先不華叛據鄧川甲子正月十七日頽川侯  
傅友德復自七星關回軍大理平鄧川破佛光寨  
因定賦法築城隍設衛堡立學校比於中州列郡  
焉

**附論**

考南詔始末出於白古通玄峰年運志者其

文用方音縉紳罕解成都揚脩撰慎謫君永昌四

十餘年熟悉其語因譯之爲書曰滇載記窮搜博  
采良亦勤矣或曰僭竊割據奚取焉而爲是勞也  
陽應之曰不觀土壤分裂之亂何以知大一統之  
治昔宋司馬氏作通鑑采獲小說如何洛行年紀  
廣陵妖亂志者百二十家蓋法孔子著春秋取辭  
書於百二十國也後之君子思神農地過日月之  
表以彰我

皇明四履之盛亦將有取於斯焉或曰南詔世次固  
不可無紀至於年號封爵獨不可畧乎曰歐陽氏  
作五代史於十國世家年譜載列無遺豈非以其  
朝貢之日多而自絕之日少耶南詔之乖叛起於  
一張虔陀星星之火遂至燎原之勢豈不可爲深  
戒哉是用詳著于篇以爲馭夷者告

### 諸史摘傳

志存諸史摘傳者歷代史自秦漢以來皆有西南  
夷傳今地理沿革及大事考雖已引證然首尾不  
詳故後摘其有關雲南而不可遺者附於羈縻志  
之後俾觀者易於考索云爾

### 史記西南夷摘傳

西南夷君長以什數夜郎最大其西靡莫之屬以

什數滇最大自滇以北君長以什數邛都最大此皆雕結耕田有邑聚其外西自同師以東北至牂

榆

即今大理府標榆河也漢置標榆縣

名為雋昆明皆編髮隨畜遷

徙毋常處毋君長地方可數千里自雋以東北君長以什數徙篠都最大自篠以東北君長以什數

內駝最大其俗或土著或移徙在蜀之西自冉駝

以東北君長以什數白馬最大皆氐類也此皆巴

蜀西南外蠻夷也始楚威王時

以世考之應在頃襄王時非威王也

使將軍莊躄將兵循江上略巴蜀黔中以西莊躄

者故楚莊王苗裔也躄至滇池地方三百里旁平

騶縻志第十一

雲南通志卷之十六

二十九

地肥饒數千里以兵威定屬楚欲歸報會秦擊奪

楚巴黔中郡道塞不通因還以其衆王滇變服從

其俗以長之秦時常頽略通五尺道諸此國頗置

吏焉十餘歲秦滅及漢興皆棄此國而開蜀故徼

巴蜀民或竊出商賈取其篠馬僂僮髦牛以此巴

蜀殷富

僂僮即今順寧西南之僂夷是也僮信實而忠於其主至死不變人得此僮為僕甚

利益焉

元狩元年博望侯張騫使大夏來言居大夏時見

蜀布邛竹杖使問所從來曰從東南身毒國

身毒一本

作指毒本名天竺語訛為身毒也

可數千里得蜀賈人市或問邛

西可二千里有身毒國騫因盛言大夏在漢西南  
慕中國患匈奴隔其道誠通蜀身毒國道便近有  
利無害於是天子乃令王然于栢始昌呂越人等  
使間出西夷西指求身毒國至滇滇王嘗羗乃留  
為求道西十餘輩歲餘皆閉昆明如淳曰為昆  
明所閉道莫  
能通身毒國滇王與漢使者言曰漢孰與我大及  
夜即侯亦然以道不通故各自以為一州主不知  
漢廣大使者還因盛言滇大國足事親附天子注  
意焉

上使王然于以越破及誅南夷兵威風喻滇王入

羈靡志第十一 雲南通志卷之十六

三十

朝滇王者其眾數萬人其旁東北有勞漫靡莫皆  
同姓相扶未肯聽勞漫靡莫數侵犯使者吏卒元  
封二年天子發巴蜀兵擊滅勞漫靡莫索隱曰二  
國與滇上

姓以兵臨滇滇王始首善以故弗誅滇王離難楚  
之裔雖不誅  
而自離兵難西南夷舉國降即白國仁  
果受降請置吏入

朝於是以為益州郡賜滇王王印復長其民西南  
夷君長以百數獨夜郎滇受王印而滇小邑最寵  
焉

前漢書西南夷傳

成帝河平中夜郎王興與鈎町王禹漏卧侯俞更

舉兵相攻牂柯太守請發兵誅興等議者以為道遠不可擊迺遣太中大夫蜀郡張匡持節和解興

等不從命刻木象漢吏立道旁射之杜欽說大將

軍王鳳曰大中大夫臣使和解蠻夷王侯王侯受

可見恐議者選復相攻輕易漢使不憚國威其效

以聞如此則復曠一時王侯得收備其衆申固其

謀黨助衆多各不勝忿相殄滅自知罪成狂犯

守尉遠滅温暑毒草之地雖有孫吳將貢成士犯

入水火往必焦沒知勇士所施屯田守之費不可

勝量官因其罪惡未成未疑漢家加誅陰救旁郡

守尉練士馬大司農豫調救積要害處選任職太

守往以秋涼時入誅其工侯充不執者即以爲不

毛之地亡用之民聖王不以勞中國宜罷郡放棄

其民絕其王侯勿復通如以先帝所立累世之功

不可墮亦宜因其萌芽早斷絕之

及已成形然後戰師則萬姓被害

大將軍鳳於是

薦金城司馬陳立爲牂柯太守立者臨邛人前爲

連然長不常令蠻夷畏之及至牂柯諭告夜郎王

興興不從命立請誅之未報迺從吏數十人出行縣至興國且同亭召興興將數千人往至亭從邑君數十人入見立立數責因斷頭邑君曰將軍誅亡狀爲民除害願出曉士衆以興頭示之皆釋兵降鈎町王禹漏卧侯俞震恐入粟千斛牛羊勞吏士立還歸郡興妻父翁指與興子邪務收餘兵迫脅旁二十二邑及至冬立奏募諸夷與都尉長史分將攻翁指等翁指據阨爲壘立使奇兵絕其饜

羈縻卷第十一 今雲南通志卷之十六 三十一

道縱反間以誘其衆都尉萬年曰兵久不決費不可共引兵獨進敗走趨立營立怒叱戲下令格之都尉復還戰立引兵救之時天大旱立攻絕其水道蠻夷共斬翁指持首出降立已平定西夷徵詣京師會巴郡有盜賊復以立爲巴郡太守秩中二千石居賜爵左庶長徙爲天水太守勸民農桑爲天下最賜金四十斤入爲左曹衛將軍護軍都尉卒官王莽篡位改漢制貶鉤町王以爲侯王邯怨恨牂柯大尹周欽詐殺邯邯弟承攻殺欽州郡擊之不能服三邊蠻夷愁擾盡反復殺益州大尹程

羈縻志第十一

合雲南通志卷之十六

三十一

隆莽遣平蠻將軍馮茂發巴蜀犍爲吏士賦歛取足於民以擊益州出入三年疾疫死者什七巴蜀騷動莽徵茂還誅之更遣寧始將軍廉丹與庸部牧史熊大發天水隴西騎士廣漢巴蜀犍爲吏民十萬人轉輸者合二十萬人擊之始至頗斬首數千其後軍糧前後不相及士卒飢疫三歲餘死者數萬而粵犍蠻夷任貴亦殺太守枚根自立爲邛穀王會莽敗漢與誅貴復舊號云

後漢西南夷傳

西南夷者在蜀郡徼外有夜郎國東接交趾西有

滇國北有邛都國各立君長其人皆椎結左衽邑聚而居能耕田其外又有篤昆明諸洛西極同師東北至葉榆地方數千里

初楚傾襄王時遣將莊豪從沅水伐夜郎軍至且蘭採船於岸而步戰旣滅夜郎因留王滇池

豪踞裔也

公孫述時大姓龍傳尹董氏與郡功曹謝暹保境為漢乃遣使從番禺江奉貢光武嘉之並加褒賞桓帝時郡人尹珍自以生於荒裔不知禮義乃從汝南許慎應奉受經書圖緯學成還鄉里教授於是南域始有學焉珍官至荊州刺史

續漢書

卷之十六

三十三

滇王者莊躡之後也元封二年武帝平之以其地為益州郡割牂柯越雋各數縣配之後數年復并昆明地皆以屬之此郡有池周回二百餘里水源深廣而未更淺狹有似倒流故謂之滇池河土平敞多出鸚鵡孔雀有鹽池田漁之饒金銀畜產之富人俗豪怙居官者皆富及累世及王莽政亂益州郡夷棟蠶若豆等起兵殺郡守越雋姑復夷人大牟亦皆叛殺略吏人莽遣寧始將軍廉丹發巴蜀吏人及轉兵穀卒徒十餘萬擊之吏士飢疫連年不能剋而還以廣漢文齊為太守造起陂池開

通漑灌墾田二千餘頃率厲兵馬修障塞降集羣  
夷甚得其和及公孫述據益土齊固守拒險述拘  
其妻子許以封侯齊遂不降聞光武即位乃問道  
遣使自聞蜀平徵為鎮遠將軍封成義侯於道卒  
詔為起祠堂郡人立廟祀之建武八年夷梁帥棟  
蠶與姑復棟榆稭棟連然滇池建伶昆明諸種反  
叛殺長吏益州太守繁勝與戰而敗退保朱提十  
九年遣武威將軍劉尚等發廣漢犍為蜀郡人及  
朱提夷合萬三千人擊之尚軍遂度瀘水入益州  
界羣夷聞大兵至皆弃壘奔走高獲其羸弱穀畜  
二十年進兵與棟蠶等連戰數月皆破之明年正  
月迨至不常斬棟蠶帥凡首虜七千餘人得生口  
五千七百人馬三千匹牛羊三萬餘頭諸夷悉平  
肅宗元和中蜀郡王追為太守政化尤異有神馬  
四匹出滇池河中甘露降白鳥見始興起學校漸  
遷其俗

哀牢夷者其先有婦人名沙壹居于牢山掌捕魚  
水中觸沈木若有感因懷姙十月產子男十人後  
沉水化為龍出水上沙壹忽聞龍語曰若為我生  
子今悉何在九子見龍驚走獨小子不能去背龍

而坐龍因舐之其母鳥語謂背為九謂坐為隆因名子曰九隆及後長大諸兄以九隆能為父所舐而黥遂共推以為王後半山下一夫一婦復生十女子九隆兄弟皆娶以為妻後漸相滋長種人皆刻畫其身象龍文衣著尾九隆死世世相繼乃分置小王徃徃邑居散在谿谷

永平十二年哀牢王柳貌遣子率種人內屬其稱邑王者七十七人戶五萬一千八百九十口五十萬三千七百一十一西南去洛陽七千里顯宗以其地置哀牢博南二縣割邑州郡西部都尉所領六縣合為永昌郡始通博南山度蘭倉水行者苦之歌曰漢德廣開不宿度博南越蘭津度蘭倉為它人哀牢人皆穿鼻僇耳其渠帥自謂王者耳皆下肩三寸度人則至肩而已土地沃美宜五穀蠶桑知染采文繡翳毼帛疊蘭干細布織成文章如綾錦有梧桐木華績以為布幅廣五尺潔白不受垢汗先以覆亡人然後服之其竹節相去一丈名曰濮竹出銅鐵鉛錫金銀光珠虎魄水精瑠璃軻蟲玳珠孔雀翡翠犀象猩猩貊獸雲南縣有神鹿兩頭能食毒草先是西部都尉廣漢鄭純為政

清潔化行夷貊君長感慕皆獻土珍頌德美天子  
嘉之即以為永昌太守純與哀牢夷人約邑豪歲  
輸布貫頭衣二領鹽一斛以為常賦夷俗安之純  
自為都尉太守十年卒官建初元年哀牢王類牟  
與守令忿爭遂殺守令而反叛攻越雋唐城太守  
王尋奔楛榆哀牢三千餘人攻博南燔燒民舍肅  
宗募發越雋益州永昌夷漢九千人討之明年春  
邪龍縣昆明夷鹵承等應募率種人與諸郡兵擊  
類牟於博南大破斬之傳首洛陽賜鹵承帛萬匹  
封為破虜傍邑侯永元六年郡徼外敦忍乙王莫

延慕義遣使譯獻犀牛大象九年徼外蠻及禪國  
王雍由調遣重譯奉國珍寶和帝賜金印紫綬小  
君長皆加印綬錢帛永初元年徼外僬僇種夷陸  
類等三十餘口舉種內附獻象牙水牛封牛永寧  
元年禪國王雍由調復遣使者詣闕朝賀獻樂及  
幻人能變化吐火自支解易牛馬頭又善跳丸數  
乃至千自言我海西人海西即大秦也禪國西南  
通大秦明年元會安帝作樂於庭封雍由調為漢  
大都尉賜印綬金銀綵繒各有差也

元鼎六年置越雋郡其土地平原有稻田青蛉縣

禺同山有碧雞金馬光景時時出見

禺同山在今襄州揚波縣

王褒碧雞頌曰持節使王褒遣拜南崖故移金精神馬縹碧之雞處南之荒深谿田谷米土之鄉歸來歸來漢德無疆廣乎唐虞澤配三皇華陽國志曰碧雞光景人多見之前書音義曰金形似馬碧形似雞也

永平元年姑復夷復叛益州刺史發兵討破之斬其渠帥傳首京師後大守巴郡張翕政化清平得夷人和在郡十七年卒夷人愛慕如喪父母蘇祈叟二百餘人齎牛羊送喪至翕本縣安漢起墳祭祀詔書嘉美為立祠堂安帝元初三年郡徼外夷大羊等八種戶三萬一千口十六萬七千六百二十

十慕義內蜀時郡縣賦歛煩數伍年以卷夷大牛種封離等反叛殺遂久令明年永昌益州及蜀郡夷皆叛應之衆遂十餘萬破壞二十餘縣殺長史燔燒邑郭剽略百姓骸骨委積千里無人詔益州刺史張喬選堪能從事討之喬乃遣從事楊竦將兵至牂榆擊之賊盛未敢進先以詔書告示三郡蜜徵求武士重其購賞乃進軍與封離等戰大破之斬首三萬餘級獲生口千五百人資財四千餘

萬悉以賞軍士封離等惶怖斬其同謀渠帥詣竦

乞降竦厚加慰納其餘三十六種皆來降附竦因

奏長吏姦猾侵犯蠻夷者九十人皆滅死州中論  
功未及上會竦病創卒張喬深痛惜之乃刻石勒  
銘圖畫其像天子以張翕有遺愛乃拜其子湍為  
太守夷人懽喜奉迎道路曰即君儀貌類我府君  
後湍頗失其心有欲叛者諸夷耆老相曉語曰當  
為先府君故遂以得安後順桓間廣漢馮顯為太  
守政化尤多異迹云

唐書南詔列傳

南詔蠻謂王為詔自言哀牢龍生九隆氏之後代  
居蒙舍利為渠帥在漢永昌故郡東姚州之西其

南詔

南詔

南詔

南詔

南詔

渠帥有六自號六詔兵力相埒蒙舍詔細奴邏高

宗時來朝細奴邏生邏盛武后時來朝其妻方娘

邏盛次姚州聞妻生子曰吾且有子死於唐地足

矣子名曰盛邏皮邏盛至京師賜錦袍金帶歸國

開元初邏盛死子盛邏皮立盛邏皮死子皮邏閣

立二十六年詔授特進封越國公賜名曰歸義其

後破河蠻以功策授雲南王歸義漸強盛餘五詔

浸弱劔南節度使王昱受歸義賂奏六詔合為一

詔歸義既併五詔自號南詔服群蠻破吐蕃兵力

強勁日以驕大

初六詔立六寨力分王昱受賂

奏併六詔為一遂致驕恣每入

覲朝廷亦加禮異二十七年徙居太和城天寶四載歸義遣孫鳳迦異來朝授鴻臚卿歸國恩賜甚厚歸義意望益高時劔南節度使章仇兼瓊遣使至雲南與歸義言語不相得歸義當銜之七年歸義卒詔立子閣羅鳳襲雲南王無何鮮於仲通爲劔南節度使張虔陀爲雲南太守仲通褊急寡謀虔陀驕詐待之不以禮舊事南詔常與其妻子謁見都督虔陀皆私之有所徵求閣羅鳳多不應虔陀遣人罵辱之仍密奏其罪惡閣羅鳳忿怨因發兵反攻圍虔陀殺之時天寶九年也明年仲通率

兵出戎雋州閣羅鳳遣使謝罪仍與雲南錄事參軍姜如芝俱來請還其所虜掠且言吐蕃大兵壓境若不許當歸命吐蕃雲南之地非唐所有也仲通不許因其使進軍逼太和城爲南詔所敗自是閣羅鳳北臣吐蕃吐蕃令閣羅鳳爲贊普鍾璣曰東帝給以金印蠻謂弟爲鍾時天寶十一年也十二年劔南節度使楊國忠執國政仍奏徵天下兵俾留後侍御史李宓將十餘萬輦餉者在外涉海瘴死者相屬於路天下始騷然苦之宓復敗於太和城北死者十八九會安祿山反閣羅鳳乘釁攻

陷雋州及會同軍西復尋傳蠻大曆十四年閣羅  
鳳子迦異先閣羅死立迦異子是爲異牟尋頗知  
書有才智善撫其衆吐蕃後賦南蠻重數又奪諸  
蠻險地立城堡歲徵兵以助鎮防牟尋益厭苦之  
有鄭回者本相州人天寶中舉明經授雋州西瀘  
縣令雋州陷爲所虜閣羅鳳以回有儒學更名曰  
蠻利甚愛重之命教鳳迦異及異牟尋立又令教  
其子尋夢湊回又爲蠻師凡授學雖牟尋夢湊回  
得筭槌故牟尋以下皆嚴憚之蠻謂相爲清平官  
凡置六人牟尋以回爲清平官事皆咨之秉政用

事餘清平官五人事回卑謹或有過回輒撻之回  
嘗言於牟尋曰自昔南詔管欵附中國中國尚禮  
義以惠養爲務無所求取今棄蕃歸唐無遠戍之  
勞重稅之困利莫大焉牟尋善其言謀內附者十  
餘年矣會劔南西川節度使常臯招撫諸蠻苴烏  
星虜望等歸化微聞牟尋之意因令蠻寓書於牟  
尋且招懷之時貞元四年也七年又遣間使持書  
喻之道出磨此二蠻其魁主潛告吐蕃使至雲南  
吐蕃已知之令詰牟尋牟尋懼因給吐蕃曰唐使  
本蠻也常臯許其求歸無他謀遂執送吐蕃吐蕃

益疑之多召南詔大臣之子爲質牟尋愈怨九年  
四月牟尋乃與酋長定計遣使趙莫羅眉由兩川  
楊太和堅由黔中或由安南使梵三輩致書於常  
臯各資生金丹砂爲贄二分前臯所與牟尋書各  
持其一爲信歲中二使皆至京師且曰牟尋請歸  
大國求爲藩國所獻生金以喻回北之意如今也  
丹砂示其赤心耳上嘉之乃賜牟尋詔書因命常  
臯遣使以觀其情臯遂命巡官崔佐時至牟尋所  
都陽直咩城南去太和城十餘里東北至城都二  
千四百里東至安南如至城都通水陸行是時也

吐蕃使數百人先佐時在南詔牟尋悉召諸種落  
與議歸化或未畢至未敢公言密言佐時稱牂牁  
使衣以牂牁服而入佐時不肯曰我大唐使安得  
服小夷之服牟尋不得已乃夜迎佐時設位陳燈  
燭佐時乃大宣詔書牟尋恐吐蕃知顧左右無色  
而業已歸唐久矣歔歔流涕皆俯伏受命其明年  
正月異牟尋使其子閣勸及清平官等與佐時盟  
於點蒼山神祠盟書一藏於神室一沉於西洱河  
一置祖廟一以進天子閣勸即尋夢湊也鄭回見

佐時多所指導故佐時探得其情乃請牟尋斬吐

蕃使數人以示歸唐又得其吐蕃所與金印牟尋  
尋遣佐時歸仍刻金契以獻閣勸賦詩以錢之牟  
尋乃去吐蕃所立帝號私於佐時請復南詔舊名  
佐時與盟訖留二旬有六日而歸初吐蕃因爭北  
庭與回鶻大戰死傷頗重乃徵兵於牟尋須萬人  
牟尋既定計歸我欲因徵兵以襲之乃示寡弱謂  
吐蕃曰蠻軍素少僅可發三千人吐蕃少之請益  
至五千乃許牟尋遽遣兵五千入戍吐蕃乃自將  
數萬踵其後晝夜兼行乘其無備大破吐蕃於神  
川遂斷鐵橋遣使告捷且請帝臯使閱其所虜獲

及城堡以取信焉時帝臯上言牟尋收鐵橋已來  
城壘一十六擒其王五人降其衆十餘萬以祠部  
郎中兼御史中丞袁滋持節冊南詔仍賜牟尋印  
鑄用黃金以銀爲窠文曰貞元冊南詔印先是帝  
臯奏南詔前遣清平官尹仇寬獻所受吐蕃印五  
二用黃金今賜請以黃金從蠻夷所重傳示無窮  
從臯之請也十年八月遣使象湊羅棟及尹仇寬  
來獻鐸製浪人劍及吐蕃印八紐湊羅棟牟尋之  
弟也錫賚甚厚以尹仇寬爲檢校左散騎常侍餘  
各授官有差俄又封尹仇寬爲高溪郡王十一年

三月遣清平官尹輔酋隨袁滋來朝又得先沒蕃將衛景昇韓演等并南詔所獲吐蕃將帥俘馘百人至京師湊羅棟歸國在道而卒贈右散騎長侍授尹輔酋檢校太子詹事兼御史中丞餘亦差次授官又降勅書賜異牟尋及子閣勸清平官鄭回尹仇寬等各一書書左列中書三官宣奉行復舊制也九月異牟尋遣使獻馬六十四十二年高阜於雅州會野路招收得投降蠻首領高萬唐等六十九人戶約七十萬唐等先投吐蕃金字告身

五十片十四年異牟尋遺酋望大將軍王丘各等

賀正兼獻方物十九年正月旦上御含元殿受南

詔朝賀以其使楊鎮龍武爲試太僕少卿授黎州廓清道蠻首領襲恭化郡王劉志寧試太常卿二

十年南詔遣使朝貢元和二年八月遣使鄧傍傳

來朝授試殿中監三年十二月以異牟尋卒廢朝

三日四年正月以太常少卿武少儀充弔祭使仍

冊牟尋之子驃信宜蒙閣勅爲南詔仍命鑄元和

冊南詔印七年十月皆遣使朝貢十一年五月以

龍蒙盛卒廢朝三日遣使來請冊立其君長以少

府少監李銳充冊立弔祭使左贊善大夫許堯佐

副之十二年至十五年比年遣使來朝或年內二  
三至者寶曆二年太和元年亦遣使來三年杜元  
穎鎮西川以文儒自高不練戎事南蠻乘我無備  
大舉諸部入寇牧守屢陳亦不之信十一月蜀川  
出軍與戰不利陷我邛州逼成都府入梓州西郭  
驅劫玉帛子女而去上聞之大怒再貶元穎為循  
州司馬明年正月其王蒙嵯顛以表自陳請罪兼  
疏元穎過失國家方事柔遠尋釋其罪復遣使來  
朝五年八年亦遣使來貢方物開成四年五年會  
昌二年皆遣使來朝

鶴齋第十二卷雲南通志卷之十六

四十四

元史摘世祖入大理事

世祖皇帝諱忽必烈夏六月入覲憲宗於曲先惱  
兒之地奉命帥師征雲南秋七月丙午禡牙西行  
秋八月師次臨洮遣王律朮王候王鑑諭大理不  
果行九月壬寅師次忒刺分三道以進大將兀良  
合哈帶率西道兵由晏當路與諸王抄合即葱嶺  
入今之  
麗江野只列率東道兵由白蠻即棧道經四川  
入今之府

由中道即越雋入今  
之北勝州乙巳至滿陀城留輜重冬十

月丙午過大渡河又經行山谷二千餘里至金沙  
江乘革囊及筏以渡摩娑蠻主迎降其地在大理

北四百餘里十一月辛卯復遣王律术等使大理  
丁酉師至白蠻打郭寨其主將出降其姪堅壁拒  
守攻拔殺之不及其民庚子次三甸辛丑白蠻送  
款十二月丙辰軍薄大理城初大理主段氏微弱  
國事皆決於高祥高和兄弟是夜祥率衆遁去命  
大將野古及拔突兕追之帝旣入大理曰城破而  
我使不出計必死矣己未西道兵亦至命姚樞等  
搜訪圖籍乃得三使尸旣瘞命樞爲文祭之辛酉  
南出龍尾城次趙臉癸亥獲高祥斬于姚州留大  
將兀良合帶戍守以劉時中爲宣撫使與段氏同

羈縻志第十一

今雲南通志卷之十六

四十五

安輯大理遂班師

白古通載世祖斬高祥于五華樓下此云姚州非是

**附論**孔子曰言忠信行篤敬雖蠻貊之邦行矣雲

南在兩漢至唐開元酋長安其土郡縣治其人今  
土流並設之法自漢世而已然矣天寶以後守長  
不法恣肆誅求遂起割據僭竊之禍觀張喬斬奸  
滑長吏九十餘人而三十六部盡降諸葛孔明用  
其豪傑而財賦足以給軍國史萬歲受明珠而隨  
服隨叛梁毗一金不取而酋長咸歸李知古以重  
賦戮戶張乾陀以淫雷被殺鮮于仲通褊急而喪  
師杜元穎高傲而致亂然則御夷之道顧不甚簡

易乎嗚呼今之雲南卽漢唐之雲南也雲南之郡  
縣卽天下之郡縣也用人者鑒漢唐之得失爲官  
擇人而不爲人擇地不分中邊不分遠邇惟賢是  
用誠得廉靜老成如張喬梁毗者而用於雲南則  
億萬千年永無南顧之憂矣

督梓大理府知事李可華  
考閱太和縣學生董學舒

雲南通志卷之十一

羈縻志第十一

雲南通志卷之十六

四十六

雲南通志卷之十七

雜志第十二 其目二

災祥 恠異

書曰惟天降災祥在德人事天變相為符應故察災祥以圖政理君子所不廢也詭恠異常之事孔雖不語而天下時時有之故自夷堅以來博識之士徃徃著于簡策蓋恠不虛生勸戒之道存焉爾

雲南府

災祥

周惠王時鳳凰見碧雞山

雜志第十二

雲南通志卷之十七

漢平帝元始元年益州塞外蠻夷獻白雉

列傳通鑑

肅宗元和間神馬出昆明池甘露降白鳥見

元至元三年祿豐縣蝗

至正二十一年昆明縣玉案山下產赤小犬色如

火羣吠遍野

是年昆明縣天落鐵雨傷禾稼民居半圯

國朝吳元年二月昆明縣雪深七尺人畜多斃

景泰四年昆明縣大旱民多餓死

成化元年祿豐縣蝗無秋

弘治十二年冬宜良縣地震有聲自西南來如雷

民居盡圮壓死以萬計旬月常震越四年始寧  
十五年四月嵩明州風雨大作城南有龍拔樓三  
楹入雲是年大有

正德七年滇池水溢蕩析昆陽州民居百餘所溺  
死者無計

嘉靖七年祿豐縣大水

十四年八月星殞於昆明縣官渡里聲如雷

十六年十七年昆明縣地震百十餘次數月乃止

十八年九月祿豐縣地震連宵有聲如雷者彌月

二十三年正月祿豐縣有星大如日殞于文廟

二十五年二月祿豐縣有紅霞圍日者三

二十七年昆明縣雪傷禾大雨雹

三十二年富民縣蝗飛蔽天明年大雨漂沒田廬

隆慶二年祿豐縣穀生雙穗明年復生雙穗

萬曆二年省城饑斗米銀三錢臺司以餽粥賑之

活者萬計

恠異

睿謨神泄

府治西二十里許有進耳山國初太祖高皇帝方有睿謨未播諸外乃衢

童即諶於道求其故知爲土地神所泄因謫其神於雲南後憑巫於此進耳之名以此石牛

移山祿豐縣西隅有兩山並時中通衆流元時有二石牛奔北入黑龍潭一牛奔西入河每天

雨水漲黑龍潭有水牛七八頭隨水而下見者非死則病河口石牛隨水升沉雖洪波十丈亦不能沒至今判官攝婦裨豐縣星宿河流經民在水執猶然之任過縣止宿其婦偶出不見遂疑其墜水適覓不獲任滿復過縣請羽士劉可或薦之可成勅水府忽河流泛溢其婦援岸而出夫得會以填婦復死險棺歸塋後知為綠衣判官所攝乃祛除之

### 平地成潭

歲稱乾元隆慶六年六月十三日有牧童忽聞地中如雷鳴驚視則田中水湧高約丈許歸告其主往視之則田悉成潭源泉混混中有金鯉隱見無常漚漚

之利民今賴之蠶書示警嘉靖三十七年昆陽州訓導任鈺家有蠶

## 大理府

雜志第十二

公雲南通志卷之十七

三

### 災祥

漢武帝元狩間彩雲見於白崖遣使跡之乃置雲

### 南縣

東漢章帝建初間雲南縣有神鹿兩頭哀牢夷傳

華陽國志作點蒼山四漢之雲南縣即今府治點蒼山下後漢因之今府屬雲南縣去點蒼山二百里非漢之舊縣地矣漢書註雲南縣西山如扶風太乙之狀即點蒼山也是時以牒榆之地置雲南縣明矣不詳其地之實而徒以其名求之遂以隆興和山為太乙之狀非惟山名之誤而山形亦絕不似嗚呼世之徇名而忘實豈直一雲南縣而已耶

弘治五年五月內點蒼兩溪大水衝斷西門城

### 關水入城

十一年十月浪穹縣地震有聲如雷

十二年雲南縣地震

十四年六月朔大雷雨點蒼白石二溪水漲漂沒民居五百七十餘家溺死三百餘人

是年浪穹縣淫雨山崩水溢衝圯民居溺死一百餘人公署文案盡漂沒

十七年二月雲南縣嚴霜成凍

正德初年雲南縣地震生白毛

九年順邊井鹽課司地震滙源崩不免其鹽課一千一百七十有奇

雜錄第十二

雲南通志卷之十七

十年五月鄧川州地震六月又震八月又震

九月太和地震屋墻盡仆壓死數百人日每小震踰月始寧

十一年六月鄧川州大雷擊死九蛇長丈餘圍尺半水漲漂出○有黑雀數萬壞種苗○是年十一月五日六日彩雲見於鄧川東南亘數丈明年二月二十四日復見於正南自辰至巳乃散

十三年賓川州大雨雹

嘉靖元年五月鄧川一村出蟲背上各有火星三

十二點至六月始滅

七年雲南縣地震

十年六月二日有龍見于大理鄧川之間四日又見閏六月四日八日又見

十八年雲南縣地震有聲米價騰貴

二十四五六年太和上年諸溪內有白物如羊羣跡之不見

三十九年太和槐不華蛙無聲

三十八年雲南縣大旱減其租稅

四十一年春正月五井提舉司界麥秀兩岐或三

岐○洛馬井有火自空而下大如斗聲若雷○十

雜志第十二

雲南通志卷之十七

五

二月諾鄧井災燬民居百餘家

隆慶元年雲南縣旱斗米貝二十索

六年雲南縣霖潦山崩

萬曆元年雲南縣彩雲如綺見于西北

恠異

觀音伏羅刹按白古通邃古之初蒼洱舊為澤國水居陸之半為羅刹所據羅刹猶言

邪龍漢書稱邪龍雲南即今郡地也羅刹好食人目睛故其地居人鮮少有張敬者為巫祝羅刹憑

之有一老人主張敬家託言欲求片地以藏脩居數日敬見其德容以告羅刹羅刹乃見老人問所

欲老人身披袈裟手牽一犬指曰他無所求但欲吾袈裟一展犬一跳之地以為栖息之所羅刹諾

老人曰既承許諾合立符券以示信羅刹又諾遂就洱水俞上畫券石間于是老人展袈裟縱犬一

跳已盡羅刹之地羅刹彷彿失措意欲皆盟以老

人神力制之自不致背但問何以處我老人曰別

有殊勝之居因神化金屋寶所刹喜過望盡移其

屬入馬而山遂開今蒼山之羊溪是其地也于

是老人驚河尾洩水之半人得平土以居此其事

其侏余泛洱水島上蓋有赤文如古篆籀云是買

地券世傳老人為觀音村前有優波翅多預言其識

是已今海尾有觀音村前有優波翅多預言其識

流觀音七化雞足西上雲龍第一手唐永徽間有

舍細農邏家乞食時農邏身披絮娑叉持鉢于

下其妻其婦將往餉田見僧儼然乞食遂食之

一化也再炊往鉢而僧坐不夫姑婦持鉢中道前

僧業已在彼復向乞食姑婦驚怖又食之此二化

也返而復炊持鉢且至巍山則見僧坐磐石前有

一青牛左有白馬朱其鬣右有白象各馴伏上覆

雲氣雲中有二童子一執鐵杖於左一執方鏡

於右姑婦驚喜交作以鉢再供之僧問何所願二

女不知僧曰奕業相承二女趨農邏等至則但見

五色雲中一人持鉢而坐彷彿見二童子唯餘磐

石上云衣痕及象馬跡耳此三化也第四化南

詔興宗王蒙羅晟時有一僧手持錫杖鉢孟牽一

白犬乞食開南郡窮石村中村素為盜善殺人僧

犬為其盜食僧曰汝村盜吾犬暗中為盜人無不

知村聚及置僧為誣僧乃呼犬犬遂嗥於數十男

子腹中相顧神失耻僧辱已反謂之妖勒僧殺之

解其支體湏臾復生僧謂眾曰人不可殺死必有

生終為雙對眾恐其報復仍執而腰斬之湏臾復

生謂眾如箭象又執而殺之焚其骨為灰盛以截

竹棄之江心湏臾僧裂竹而出形體復甦此第四

化也聖僧見此方之人根品下劣手執柳瓶足着

無履向山而去村主王樂等走馬趨首伏罪村象自

及彎弓射之箭落皆變蓮花始稽首伏罪村象自

是棄刀折弓各務農業今洱河東有上滄湖產蓮

花葉是其蹟也是為第五化聖僧又行化至李作

靈之界其人不可疑視眾皆愧悔稽首頌之化為

皆駭愕鳴鼓集村人人集但彷彿空中見像先

明奪目不可疑視眾皆愧悔稽首頌之化為

張然忽有一老人云吾解鑄此聖容毫髮不爽眾

皆駭愕鳴鼓集村人人集但彷彿空中見像先

明奪目不可疑視眾皆愧悔稽首頌之化為

又驚喜遂鎔銀銅鑄像肖似儼然村人自是奉像  
相戒勿為惡恐為聖所察此第六化也蒙保不  
年乙巳有西域和尚若立隨訶者入蒙國云吾西  
域蓮花部尊阿差耶觀音行化至汝國于今何在  
語訖入定於上元蓮宇七日始知其白驃自殪  
坐化蓋觀音化身也是為第七化

宗將登封泰山益州進白驃至潔偉異上遂親乘  
之柔習安便不知登降之倦告成禮畢復乘而下  
纔下山坳休息未久而有司言曰驃無疾而殪上  
歎異之謚曰白驃將軍命有司具棺槨累石為墓  
存封禪壇今青神分水五代趙善政時浪穹縣天  
善政所居其山左澗有水右澗無水有樵青神者  
善呪法衆樵謂之曰若能分水於右澗乎青神曰  
不難耳遂以斧柯觸山右澗水即湧出與左澗均  
人居在右者咸利之遺跡尚存其人沒後為神附  
祀於善政風遞慈章趙弼太和喜州人由進士成

母在堂萬里之外父無音耗忽見黃紙落前  
取視之乃其母以是日禱于觀音之章也英魂  
化問後鄉評知縣逢生日思

報復何宗魯蜀都人由舉人為浪穹知縣剛復  
有能知有干播惡其不遜下獄禁食遂死于  
獄明年于入禁逆旅主人治辦甚備于問之對曰  
有浪穹何知縣者先來令預廉館舍以待故耳干  
恠之頃之干入則遂死先是豐都何知縣家忽聞  
何知縣音聲朗潤與家人語曰吾為干知府所殺  
已奏上帝許吾復讎吾今回家待時汝可設位日  
獻常食曰于位上言語理治家事亦言鄉人禍福

一日其婿禱曰汝於某處買猪若乏人牽柰何答  
曰汝但去猪自隨來不用人牽也婿如言往猪至  
卒路奔失婿歸注以告何笑曰汝午飯不以獻之  
故壑猪刑去耳汝仍以彼獻飯猪即來果如其言  
得猪一日忽語曰吾今報讎時至吾往矣數日又  
語曰吾讐已報上帝命吾為某處城隍吾于今日  
去矣自此楊榮和樹榮太和塔橋人舉進士任翰

上有一樹宛如其先坐樹狀以告同列同列曰雷  
盍伐之寄書與家人家人伐之榮遂亦于京邸  
擊奸臣趙州永樂間擊死一夷人朱判其背曰木  
子唐朝一俊臣罰他千劫在牛羣而今逃

雜志第十二

卷之十七

七

脫為夷士霹靂來尋化雷擊孀子趙州白崖有屠

買猪婦人得銀三兩置于桌唇子匿之因向婦言

汝從我與汝銀婦人畏失銀從之既從而屠子竟

去不顧婦人自縊死其夫歸見婦死不知其故棺

斂扛至塋所未塋為暴雨所阻明晨婦乃在門夫

恠問之婦曰我但記自縊不知何以復生亦不知

何從來夫乃偕婦往看棺屍則棺中無屍只見屠

子已死跪于棺旁手捧一物乃前銀神威退賊實

三兩也屠子家驗屠子屍乃雷擊死

州北力角三營正德間遇賊村人皆逃惟卜御連

環二人持棒禦賊對敵良久人謂其必死既而賊

自奔退二人無恙自是賊不復至賊曰彼盜金自

時見關王綠袍赤馬揮刀下來是以逃也

庫陳公除妖隆慶辛未僉憲長樂陳公應春分巡

憑者已經年所矣其夫禱神筮覩雷樂符况驅邪

遺妖劍斫矛刺無所不作沈氏告其夫曰彼邪言

汝夫百爾祈為祗發吾一笑耳吾騎風馭氣騎息

人謂其夫曰邪畏止人今分巡公正直仁明無微

不燭盍詣之投杖當有方畧以救爾婦或又曰此

迂說不可聽公雖仁明幽顯異趨公之道可以治

人豈能治鬼爾為儒生見不及此不詣則已詣則



永樂十二年臨安早米價騰踊

### 臨安府

#### 災祥

貌復舊其夫詣臺叩謝  
復手書謝城隍神

曰昨邪來言汝夫告我在此道今城隍有評提我  
惶亦無往時冠服馳難自此與汝別矣其狀甚慘  
狀言畢遂去時秋八月十五日也旬日後沈氏形  
貌復舊其夫詣臺叩謝復手書謝城隍神

正統五年八月甘露降于石屏州學宮浹旬方止  
九年臨安城南產嘉禾一莖三穗者二畝

成化十年寧州東十里池蓮花開俱並頭

弘治十一年夏六月朔午時風雨寒劇樵蘇死於  
道者十數人鳥雀僵死無計

十三年二月蒙自縣旱明年大旱民逃徙者半

十五年正月始雨二月又雨六月又雨乃霑足其  
年穫十之三

十四年七月二十五夜河西縣大雪雨山崩水溢  
衝沒田廬無計淺塋者盡漂

正德八年臨安地震有聲如雷三日乃止

嘉靖十年阿迷州地震日常數十震踰月始寧是  
年虎入州境噬人占者以爲兵兆後果驗

十八年三月臨安蒙自等處地震自北而南晝夜  
常震半年始寧

二十六年自春迄夏不雨有蟲如螟傷苗羣鴉食  
之爲雷擊死

二十七年新安所旱無秋

三十年三月二十六日熒惑入鬼宿不犯而出四  
月十四日夕臨安有大星自西而東光燭民屋其

年征元江布政使徐樾死之

三十三年通海禦王鬍子營黃牛產一犢雙頭連頸八足

三十八年通海禦西屯水牛產一犢隻身雙頭兩尾八足

三十九年通海湖外北闕村地震有聲如雷民居盡圮壓死者數十人

四十一年十一月二十八日河西縣地大震

四十四年春正月十二日通海縣大風拔木數百株揭舟入雲莫知所止冬地震大雨雹

雜志第十二

合雲南通志卷之十七

十

四十五年新安所饑民采山薯而食○冬通海縣復地震大雨雹

隆慶元年秋八月阿迷州城南產嘉禾一莖兩穗者四之一

二年新安所大旱饑盜多劫掠

三年石屏州旱米價騰踊

五年八月二十一日未時通海縣地震自東南來聲如雷吼壞圮城雉官署民居千餘所壓死者數十人七日乃止○右所營孫家壩產千葉並頭蓮

一莖踰月乃謝

六年新安所沿山竹開花結實如麥可食有穫之  
盈石者

萬曆元年石屏州三月至八月淫雨湖水溢丈許  
田廬城堞多傾沒

恠異

神僧通海通海縣治北三里秀山下有水源自河

里水澆不通有神僧過此於縣治東北石筍擒賊

叢立處以杖穿穴水始洩出通海之名本此擒賊

應夢嘉靖甲子臨安衛指揮吳子忠守備金滄洱

益等肆行劫掠巡撫呂光詢命忠捕之忠禱於武

女王祠是夜夢武安王授以方畧及覺如其指授

擒獲無有爽者

災祥

晉武帝太康元年白龍三見於永昌

惠帝永寧元年永昌蝗

唐玄宗天寶間越賤天馬生郊

代宗大曆四年永昌河中村背井有火燭天井傍

有三角牛四角羊彘足雞

懿宗咸通十四年永昌雨土

宋太祖乾德二年永昌地震

真宗景德二年永昌地震

雜志第十二

雲南通志卷之十七

十一

至順三年永昌郡縣饑

至正末麓川夷寇騰衝

**國朝**洪武十五年五色雲聚於太保山經宿不散

正統二年騰衝守禦千戶所土城井內夜有兵戈

聲一月乃止

大順二年七月雷震金齒司東南城郭樓兵器俱

燬

四年五月騰衝司溥潤城樓災

成化十九年八月金齒司廳事災

弘治三年金齒騰衝饑

雜志第十二 雲南通志卷之十七

十年年永平縣大水淹沒居民數百家

十三年金齒司村屯牛種幾絕

十四年夏麥秀騰衝學宮一穗三岐秋永昌騰衝

大水壞民廬舍人畜死者以數百計

十五年八月騰衝地震

十六年春正月騰衝火巡撫副都御史陳金疏奏

上特遣重臣一人至滇欽恤之勅諭畧曰雲南僻在

命爾前去廣詢情訪旌賢良黜貪暴閱軍馬修城池

振舉廢墜通達幽隱興利革弊務期軍民安靖邊

朕西顧之憂 正德二年騰衝饑

三年夏騰衝多虎

五年金齒城西石上開花

六年騰衝地震

七年八月二十九日庚午金齒騰衝地震辛未大震有聲城堞宮署民居傾壞死傷者甚衆

十二年夏六月騰衝演武場雷震折旗杆明年夏六月復震

嘉靖二年秋騰衝旱

三年保山縣民曾銘家雌鷄化爲雄○是年永昌騰越大饑夏騰越多虎

九年秋騰越大水

十三年夏六月永昌五色雲見於東北

十五年夏秋永昌大饑明年永昌騰越又饑

十九年春二月十有二日永昌城內災燬者三百餘家○秋騰越大雨雹傷禾明年饑

二十一年騰越竹多實

二十三年秋騰越大水

二十六年騰越饑○十二月永平南關叢市災

二十七年夏四月丙午騰越大雨震雹

二十八年三月永昌五色雲見於哀牢山○永平

復災燬者百十家

二十九年秋永昌騰越多雨八月四日永昌大水

壞民廬舍人畜溺死者以百計城東北隅幾漂流

三十一年騰越饑

三十二年閏三月六日夜永昌騰越地震明日復

震騰越鳴雷兩窻如卵○四月保山南郊產瑞麥

一本三岐上復為一穗

三十七年夏五月永平地震三日秋永平騰越大

水壞民田廬數百計

三十八年九月二十日騰越大雨雹害稼

三十九年十二月永平甘露降

四十年六月永平和丘山五色雲見

四十二年正月永平有雷震自西方其聲異常聲

聞百里

隆慶三年冬十二月騰越大雪五日

恠異

浮木感娘

九隆氏之先有蒙迦獨者一云低牟直阿育王第三子驪直低之子也分土於

永昌其妻摩梨差各沙壹世居哀牢山下蒙迦獨嘗捕魚死哀牢山水中不獲死沙壹往哭于此見

一木浮觸而來婦坐其上甚安明日往視之觸木知故遂常浣絮其上若有感因姓產子一曰姓

池邊忽浮木化為龍語曰若為我生子衆子驚走作考子不能去背龍而坐龍因甜其背其母鳥語

謂皆為九謂坐為龍遂名曰九隆其十子一曰眉  
附羅二曰牟直兼三曰牟直謀四曰牟直剛五曰  
牟直篤六曰牟直託七曰牟直隆八曰牟直頌九  
曰牟直閃十曰牟直託七曰牟直隆八曰牟直頌九  
奏鳳凰棲五色花間之祥泉遂推為首長時哀年  
山下有奴波息者生一女九龍兄弟娶之厥後種  
類蔓延各相分據谿谷是為六詔之始也劉球附  
王派之巧構也滿朝不敢言獨翰林持讀劉球以  
為不可振陰守之下獄使錦衣馬順致死于獄以  
鐵籠子及驢籠東南十五萬軍利至再破三忽一  
戰關官子孫皆榮爵賞以兵為利至再破三忽一  
日球竟附順子數振順之惡傳聞內外振順始懼  
雲南河西縣教諭詹英奏驍貪功老師費財奏內  
有海夷金寶盡走京師關宜乳童立城鎖自開正  
功西域之語時振順已死驍心始灰城鎖自開正  
二年八月東城鎖夜半自開占者曰當有兵變尋  
郡人有為內豎張誠所激而變者叅將沐崧撫之  
上乃

雜志第十二

雲南通志卷之十七

十五

### 楚雄府

#### 災祥

**元**泰定間有大星殞于磻嘉縣之虛初山化為黑

石狀如東瓜上有一點如星擊之鏘然有聲人不言

舉之則動言則弗動土人以為恠積薪焚之雷雨

交作衆懼而止嘉靖間知縣楊江永移置土地祠立春祀之

至正元年磻嘉縣天雨鐵民舍山石皆穿人物遇

#### 多斃

**國朝**洪武中廣通羅苴甸禾生雙穗都指揮袁義奏

聞

永樂四年廣通真武觀池蓮生並頭  
弘治七年羅首甸禾復生雙穗

正德六年地震有聲自西北來墻屋俱圮

嘉靖初庄甸坡禾生雙穗者數年

九年九月晦日酉時楚雄有星大如日自末流於

西南

十年夏楚雄洋池內蓮開並蒂三花者二明年復

如之

二十四年十月朔楚雄城西五色雲見光彩奪目

自末至申乃散

三十三年六月硿嘉縣地震

三十七年三月楚雄城中火自申至丑燬民居數

百家武侯祠亦燬四十年舊址復火

四十年南安州安童堡絕頂山孔聲聞數里明年

遂有嘯聚焚掠之變

四十三年楚雄旱牛大疫

隆慶元年楚雄大有年

六年五月硿嘉大水

恠異

二馬化龍唐蒙氏時楚雄有野馬二風雨鬪於原野久之化為龍大者逸入東南村塢小

呼馬為驃因以名村  
都來路過洞庭舟中夢一方巾藍袍人來謁曰紫  
駭異遂飭廟宇虔祀  
之迄今無敢怠焉  
起忽見西南方天開旌旗前導玄武之神後出向  
此而去王駭異稽首不已時星月交輝內外了了  
後時方合石隙金蟆楚雄城西鳴鳳山腹有盤石  
出舊志高五尺餘潤倍之其裂隙處  
僅可容指而內稍潤深不可度有物如蝦蟆而差  
小形約五色隱見不常蓋數百年物也過者每以  
銀及貝呼而投之彼或視或含然  
罕得遇偶相值者輒有吉應焉  
五里有神祠禱之輒應庭中有相五株自安竟賊  
叛樹皆枯槁嘉靖丁未知州苟詵將剿賊指枯栢  
誓神曰若陰助滅賊樹當復生  
旬日後栢果暢茂次年賊平  
毀像受誅嘉靖甲  
向真武廟求卜皆凶賊怒抽刀砍像并砍左右  
雜志第十二  
雲南通志卷之十七  
四將手足後賊為官軍所殺其被  
刀之痕皆如廟像之數不失尺寸

### 曲靖府

災祥

國朝弘治三年霑益州大水李樹結木瓜後有普安

之變

正德八年霑益州西關災燬者二百餘家

嘉靖五年霑益州復大水李樹結木瓜後有尋甸

之變

九年霑益州大旱

十三年霑益州大雪七日

十六年曲靖露益陸涼馬隆羅雄等處地震

三十五年三月十四日露益州晝昏如夜四月二

十日大雨雹如卵

四十年露益州復大水李樹結木瓜後有東川之

變

四十二年二月三日露益陸涼地震

隆慶六年露益州地震壞民居

萬曆元年三月曲靖有五虎臨郭

恠異

長老投胎真峯山長老功行神異語在仙釋中成

雜志第十一

雲南通志卷之十七

宜良有一人阜冠朱緋

十八

迎謁道傍左右不見公問此中有神祠否對曰有  
土主廟祈嗣甚靈時公尚無嗣遣人禱之久而無  
應公以為淫祠欲毀之夜夢神語公曰公家世卿  
之貴不可以九胎俟積功累行者耳毋以嗣晚為  
虞也公意其濶尋內人果有娠一日公坐廳事見  
長老入俄而不見公方異之內報胄子生矣即繼  
軒公也詢長老化辰與誕辰不爽刻水瀉作笑  
後繼軒穎敏學多所樹勳稱賢鎮云水瀉作笑  
曲靖府治有梅家壩夜間水瀉作笑蓋有殺殺聲  
響而弗絕次日行人即苦澹役之患覺者弗渡即  
免賊不出廟曲靖佑聖廟嘉靖間有賊竊取玄帝  
面像金奔走自覺已數十里及天明

澂江府

災祥

國朝景泰元年秋澂江淫雨害稼斗米貝七十索人

採黃花爲食

弘治十二年十二月初四日澂江地震官民廬舍傾壞人多壓死月餘乃止

正德十年澂江地震

嘉靖四年八月二十七日辰時羅藏溪有白氣升天如龍然

八年八月十四日夜大雨山崩西浦溪水溢入西街城壞屋損稼

三十五年七月澂江有星見于西方如彗長數尺月終乃滅

雜志第十二

雲南通志卷之十七

十九

三十七年四月二十六日辰時江川縣有光五色見于龍鳳山至巳乃散

四十三年江川縣大雷雨地震晝夜十餘震浹旬乃止

隆慶四年二月十四日午時江川縣有五色光復見于龍鳳山至暮乃散

恠異

泥馬蹂禾

江川縣土主廟前有泥馬二塑製工巧形狀神異成化間其馬中夜蹂踐田禾

進之不見如是者屢夜鄉人伏弩中之明晨覓跡至朝中獲矢于馬遂不復出草如持戟嘉靖丙戌蟠龍岡上有草開藍花肖武士戴兜鍪持矛戟之狀適生于山谷間占者以爲兵象明年

冬果有尋盆覆螺精江川縣雙龍鄉其山無石皆  
向之變螺殼積成昔有夷婦澣衣于  
河忽螺精出見婦驚急以澣衣盆覆  
之其精遂止後人因以覆盆名焉

### 蒙化府

災祥

**國朝**弘治十二年夏六月十日夜地大震民屋多圯

厥明白毛叢生長寸文廟獨無

正德十年地大震池中水立

嘉靖二年六月無雲不雨有大水自五道河湧出

溪流大木衝埋廬舍田疇

恠異

神志第十二

云南通志卷之十七

二十

劍痕入石

唐張樂進求與細奴邏以位相讓細奴邏曰如我當為詔劍入此石按劍斫之

果入三寸今痕猶存如鏹成然

### 鶴慶府

災祥

**國朝**景泰五年夏鶴慶逢密鄉產瑞麥一莖數穗者

百餘本知府王珉以

獻

成化十六年六月劔川州大雷雨兩崖塲水湧衝

沒民田二百餘畝

弘治十四年五月十六日劔川州地震聲如雷吼

土城官民廬舍多圮

正德九年鶴慶大疫死者不可勝計

十年五月六日鶴慶地大震官民廬舍傾圮殆盡

嘉靖三十七年七月淫雨水溢越五十八日始消

米粟騰價

三十八年六月二十五夜鶴慶漁塘村雷雨大作

山崩水溢壞民居二百餘所死者不可勝計知府

林養高賑之

恠異

殺生陰譴劍川崔君廟神姓崔名子玉祈州鼓城人正直不撓仕唐為長子令再遷衛州

雜志第十一

雲南通志卷之十七

二十一

皆為民除害民德之元時顯有夢異立祠於州南

三日相傳崔君昔於五月五詞諭人曰是月十六

日毋得殺生及漁獵犯之必遭官刑陰譴時有朱

實二人獵一兔為門吏所獲將執之官求免是心

夢一黃衣吏喚二人至公庭見神王者冕服正

二人罪一減其年一縮其祿叱還後果如所夢

姚安府

災祥

國朝

景泰四年姚安旱民多饑死

天順間有烏半夜見於府東十五里忽泉水湧出

利灌溉屢豐年後人見而射之牛化為石泉遂涸

成化八年姚安大水無秋

弘治間大姚縣地震白塔中裂再震復合

正德十年五月六日姚安大地震官民廬舍傾圮殆盡

嘉靖四十年七月姚安淫雨傷禾

四十二年八月霖雨浹旬一泡江水溢衝沒民田

恠異

羝羊化石

提舉司東一里許昔蒙氏時洞庭君愛女於此牧羊有羝銜土驅之不去羝地

遂得滷泉名曰白羊井人即其地立聖母祠及開橋頭井得石羊云即銜土之羝後歸於聖母祠其

井即白鹽井也

武定府

災祥

雜志第十二

雲南通志卷之十七

國朝成化十九年夏六月武定大旱無秋

正德十年五月六日武定祿勸元謀等處地震民

居半圮

嘉靖六年土酋鳳朝文叛人民死于兵革者不可

勝計尚書伍文定討平之

二十八年武定淫雨水溢山崩

三十七年秋武定大雨雹傷稼

三十九年獅山有白猿一形大肖人值之者多傷

集衆始射殺之

四十三年土舍鳳繼祖叛民夷兵死逃亡者無算

巡撫呂先洵勦平後撫卹之

隆慶三年元謀縣大旱民逃亡者幾半

恠異

神滅逆賊

嘉靖四十三年鳳繼祖叛副使張天復督兵剿之至武定夢虎垂翼於良方遂

鑄銅虎伏於城隍廟為文以厭之尋擒獲賊祖其妻阿姑子鳳牙尚逃江外人心驚疑右布政使陳

善默禱城隍是夜夢兩虎墮入作柙困之而斃乃於松子園建背設守遂相繼以死果符所夢云

景東府

災祥

國朝弘治十二年夏六月地震

正德十年地大震民居半圮

雜志第十二

合雲南通志卷之十七

二上

嘉靖十六年八月淫雨害稼

二十五年秋大水

三十五年二月至六月不雨

隆慶六年秋大水泛溢橋梁盡圮民居田畝半為

衝沒米價騰貴百姓苦之

恠異

昏黑三日

弘治間景東忽然昏黑三日徃來相值面目莫辨若夜行然有司聞于

上命廷臣

集議行考察法南京刑部左侍郎兼都察院右僉都御史楚瑩承

德意考察罷黜文武官

員一千一百

麗江府

災祥

寧宗嘉定十七年甲申有角端獸見于石門關

宋寧宗嘉定十七年甲申元太祖帖木真南征東印度至鐵橋石門關前軍報曰有一角獸形如鹿

而馬尾其色綠作人言曰汝主宜早還帝以問耶律楚材對曰此瑞獸也名角端能言四方語好生

惡殺此天降符以告陛下陛下以全天命元子班師時人皆陛下之子願承天心以全天命元子班師時

金哀宗正大元年元太祖尚末建號也元史耶律楚材傳毛詩疏張揖曰角端似牛角可以為弓

元太祖駐師東印度忽有大獸其高數十丈一角如羣牛能作語云汝王宜速還左右皆震攝獨耶

律楚材曰此名角端蓋旄星之精也聖人在位則斯獸奉書而至且能日馳萬八千里靈異如鬼神

不可犯也帝即回馭演雅云代北有角端能通諸國語愚謂角端無定產其曰代北豈以元太祖時

有之耶石門關右麗江府東印度指南詔也太祖在石門前軍到南詔

雜志第十二 雲南通志卷之十七 二四

國朝正德九年大疫民多死亡

十年五月六日地大震民居半圮

嘉靖三十七年七月淫雨

恠異

知禽鳥語 元時有麥宗者通安州慶安人生七歲不學而識文字偶入玉龍山中見石盡

中水飲之遂知禽鳥之語一日羣鴉在林有鴉南來哀鳴甚急群鴉從之哀鳴宗曰此雄鴉為白沙

里人所代迹之果然長而百蠻諸夷之書無不通曉鄯闐國稱為異人云

順寧府

災祥

國朝正統五年秋七月大雨彌旬山崩水溢衝沒田

廬不可勝計

成化七年春正月地震自巽地而起聲如雷吼踰

三日始寧

十年夏四月嚴霜成凍

正德十三年秋八月龍鬪瀾滄江水騰湧百丈行

者七日不渡

嘉靖五年新生村竹實光瑩如珠

十一年夏六月阿魯使沈阿城舊山中夜雷雨大

作衆木拔起本末倒植

十五年大饑人多餓死知府猛鄉以米粥牛羹賑

之活者大半

二十二年春三月大雨雹雹如雞卵

二十三年夏六月候節亭池中蓮花產並蒂者二

莖花且構房子實

二十九年瀾滄江邊農者獻禾一秉每莖二穗穗

大如掌

三十五年自春正月至夏五月不雨

三十八年春二月有雲見于東北方壯如華蓋光

皎射人三日乃散

恠異

江中物恠歲五六月間滄江中有物黑如霧光如也文選謂之鬼彈如折木破石觸之則死或云瘴母水此惟江邊有之郡治絕無鳥訴人冤楚雄下  
順寧治鑄為業二徒利其囊貨欲密之因卜大醉  
銳斃之而委于壑有劉姓者受誣讞成見一白鳥  
哀蹠屋角去而復來若有所訴然如是者三日迹  
之始知屍所官訊其事二徒伏辜劉寃遂白

### 北勝州

災祥

**國朝**正德六年五月六日地大震城傾西北民居圯

者千五百餘家

嘉靖九年大饑

三十八年槐蕪華

三十九年大水

四十年大饑斗米貝六十索

恠異

程村變海州南四十里有村程姓者居於此一夜陸地忽變為海海周圍百里許

督梓大理府知事李可華

考閱太和縣學生董學舒

繕寫楊元達

雲南通志序

前史稱兩漢四履之盛東樂浪西燉煌南日南北雁門西南永昌永昌在南中為遠郡舉遠以見近也漢章帝元和間滇池出龍馬四白鳥二因徧置學校漸遷其俗由此言之雲南在漢文約之所漸被聲教之所周流其來久矣據兩漢書武帝元狩間置益州等四郡領縣四十有二其時循吏王阜張喬等十有三人至唐天寶以後邊吏無良羣夷忿然始有割據之禍宋室之興棄而不取三百年間隔為異域兩漢風猷斬然莫繼嗚呼士生斯時能不左衽者寡矣矧文獻哉天啓

皇明我

高皇帝恢復華夏奠正區宇置雲南郡縣視

兩漢有加焉

英皇命儒臣用禹貢職方之遺意爲輿地一  
統志而雲南之建置至爲明備正德間前  
輩括圖經爲雲南志尚多闕畧隆慶六年  
大司馬關西蘭谷鄒公開府南中首詢關  
事維時方伯長樂獅岡陳君學憲長樂一  
水陳君以通志對公曰一方圖籍豈宜久  
闕遂命有司以六十年來諸所損益約四  
十餘條徧布列郡俾覈實以報藩臬諸大

雲南通志後序

夫謂陽齒居鄉右或識往事因屬筆焉頃  
之學憲蒞郡得以咨白義例面承指授然  
雖勉強操觚恒以弗終爲懼會大巡侍御  
解州兼山侯公陽信振樓馬公新鄉養齋  
郭公相繼按蒞皆蒙贊其決樂其成事有  
不容中已者乃遵一統志約其冗目粵稽  
歷代史山水經諸子藝文汲冢周書以明  
其疆域土貢之離合采說文通典玉海及

鄭漁仲馬端臨之志考以證其經營廢置之因繇遠取晉常璩南中志唐樊綽雲南志以及常臯崔佐時徐雲虔所為南詔諸錄近取臺院司道興華損益兵饗經費一切成規攬撫野史蒐訪者頌言有物而事有程然後取法各省通志張立題部犁為十有二類而以事目繫之治道莫先於域民故以地理為之首庶政必遵乎

制置故建設即次之民財民力其道貴節故賦役又次之禦侮備乏其道貴豫故兵食又次之養士以成賢育才以致用故學校科目又次之吏於其土而功德可思生於其鄉而行誼有述故官師人物又次之祀典在所必敬百神有時而宗故祠祀寺觀又次之稽往詔來必資辭令故藝文又次之羈縻雜志末之以此十二類括數千里

華夷之地貫穿二十府古今巨細之事比  
次以倫道引無間析而第之為一十七卷  
豈敢遽言成書譬彼繪事先為素地云爾  
若夫品藻宦業予奪人物則有宗工鉅匠  
持衡於上非陽所敢預也

賜進士知荊州府前翰林庶吉士監察御史  
標榆八十老人中谿李元陽仁甫謹書

